

四庫全書

集部

欽定四庫全書

集部

李義山文集箋註卷八

詳校官監察御史臣查瑩

檢討臣何思鈞覆勘

總校官檢討臣何思鈞

校對官中書臣宋枋遠

謄錄監生臣雷青松

欽定四庫全書

李義山文集箋註卷七

監察御史徐樹穀箋

山東提學僉事徐炯註

祭文下

祭處士房叔父文

詳祭裴氏姊文房字上應有十二二字

某爰在童蒙

易匪我求童蒙

最承教誘違訣雖久音旨長存

晉中興書

東海王越教子昆曰韻味遺言不如親承音旨

近者以檀山舊塋忽罹風水

水經注索

水出京縣西南嵩渚山北流逕京縣故城西城北有壇山岡按京縣故城在今河南開封府滎陽縣東南二十里壇山即檀山其山四絕孤峙山上有塢聚俗謂之檀山聚新書劉禹錫傳葬滎陽檀山原山今在縣西有劉禹錫墓也義山懷州河內人距滎陽二百里而近故先塋在焉郭璞葬經內篇氣乘風則散界水則止古人聚之使不散行之使有止故壽堂圯壞陸機挽歌壽堂延鬼冢樹凋頽雖崩謂之風水魁注壽堂祭祀處

則不修聞諸前哲

一作聖禮記孔子既得合葬於防孔子先反門人後雨甚至曰防墓崩孔子泣

然出涕曰吾聞之古不修墓

但墜而罔治

御覽輿地志曰琵琶圻有古墓半在水中甃有隱起字云

筮云吉龜云凶

那俟他人况真德貽

一作芳鴻儒著美

雕龍磊落鴻儒

豈可令趙岐之表墊彼玄扃

見為濮陽公文郭泰之碑淪

於夜壑

見代李  
玄大

載惟城項

二子

藐爾孤冲誠叫號之不傳

顧營辦之無素

南史劉歊傳歊已先  
知手自營辦詳上表

某等輒考諸著筮

左晉

貴嬪傳楊皇后誄曰  
乃考龜筮龜筮襲吉

别卜丘封使羲叟以今日吉時奉移

神寢奢無僭緝儉免虧疎是期永閔尊靈長安幽宥

文心  
雕龍

武帝誄云尊靈  
永蟄詳上表

眠牛有慶自及于諸孤

晉書陶侃微時丁  
艱將葬家中忽失

牛遇老父謂曰前困見一  
牛眠地若葬位極人臣

白馬垂祥豈均於猶子

博物志  
公卿送

夏侯嬰葬至東都門外馬不  
行按地悲鳴得石柳葬之

追懷莫及感切徒深更思平

昔之時兼預生徒之列陸公賜杖念榮益以何成

晉中興  
書謝安

嘗詣陸納納兄子假遂陳威饌安去納杖假  
四十云汝既不能先益叔父奈何穢吾素業  
殷氏著文媿

獻酬而早屈

晉殷浩傳浩與叔父融俱好老易融與浩口談則辭屈著篇則融勝浩

引進之

恩方極禍凶之感徒

一作俄

鍾誰言一紀之餘又奉再遷之

兆

孝經卜其宅兆而安厝之

哀深永往情極初聞矧宗緒衰微簪纓殆

歇

晉謝尚傳尚謙曰婚姻將以繼百世崇宗緒詳上啟

五服之內

禮記喪多而服五上附下附列也注

大功以上附於親小功以下附於疎五服之上下附也

一身有官將使澤底名家翻

同單系

李肇國史補四姓滎陽鄭崗頭盧澤底李士門崔皆為鼎甲

山東舊族不及寒

門

新書柳冲傳過江則為僞姓王謝袁蕭為大東南則為吳姓朱張顧陸為大山東則為邵姓王崔盧李鄭為大

關中亦號邵姓韋裴柳薛楊杜首之晉靜思肯構之文  
劉毅傳疏曰上品無寒門下品無世族

敢怠成書之託見上 瑊等既幽明無累年志漸成後漢第五

倫傳疏曰則當授以詩書諭其一作婚宦列子語有之

情欲失半使烝嘗有奉名教無虧靈其鑒此微忱助夫至願

敢以求於必大庶免歎於忽諸左傳臧文仲聞六與夢滅曰舉陶庭堅不祀忽

諸迫以哀憂兼之瘵恙見上 曾非遐遠不獲躬親瀝血

裁詞南史袁昂傳啟曰披叩心寫懇後漢張奐傳奏記曰凡人之情寃則

呼天窮則叩心長風吹浪敢忘昔日之規南史宗慤小時叔父少文問其所志答曰

願乘長風南巷齊名永絕今生之望世說阮仲容步兵居道南諸阮居道

破萬里浪北阮皆富南阮貧冀因薄奠魏志武帝紀遣使以太牢祀橋玄注公祝文曰裁致薄奠公其尚饗

少降明輝延慕酸傷不能堪處苦痛至深永痛至深

為馮一作鄭從事妻李氏祭從父文

有美吾門實繫公族見上絳霄結陰皇極流輝郭璞遊仙詩振

髮帶翠霞解褐披絳霄詳上文自嚴君以交辟延榮易家人有嚴君焉仲父以

立朝衍慶叔父雖禮疎五服而義協一家馬援於兒姪

之間一情無異後漢馬援傳兄子嚴敦嚴字威卿父余援常與計議委以家事南史王僧虔曰



昔馬援子姪之間一情不異  
王華在兄弟之列數從猶親南史王現傳現華從

父弟也現伯父處得罪晉世諸子並從誅唯華得免  
華宋世貴盛以門哀提攜現思若同生為之延譽  
吉

人辭寡見君子無爭見論屬者以獻賦不遇投筆從戎

漢書司馬相如獻上林子虛賦  
王筠詩獻賦甘泉宮詳上表  
鏡水稽山聊屈觀書之

望輿地志山陰南湖縈帶郊郭白水碧巖互相映發若  
鏡若圖故王逸少云山陰路上行如在鏡中遊會稽

記漢順帝永和五年會稽太守馬臻創立鏡湖在會稽  
山陰兩縣界左傳晉侯使韓宣子來聘觀書於太史氏

揚雄遺劉歆書用東湖右始開傳集作劍之名吳語越  
得觀書於石室侍非王使人

告吳王曰寡人其達王於甬向東注向音鈞甬向東今  
句章東海口外洲也史記吳世家越王句踐遷夫差於

甬東集解賈逵曰甬東越東鄙甬江東也  
孔稚圭北山移文馳妙譽於浙右詳上表  
經途幾千任

哭范僕射詩與子別  
幾辰經塗不盈旬  
去國數載爰因職貢來奉闕庭兩

與傳長為藩臣奉貢職  
庾信表不獲躬親闕庭  
傳車方馳朝露溘至禍生朽索

蒙起揚鞭書凜乎若朽索之馭六馬江  
總詩揚鞭向柳市詳上文  
始驚香而不禁

俄折臂而無望原注因墜馬死故云云魏志朱建平善  
相馬曰此馬今日死馬惡衣香鬻帝膝

帝怒殺之晉羊祜  
傳祜墜馬折臂  
嗚呼存亡恒集作理脩天常期所悲

者方次中塗所痛者非因美疾稅鞅告痛謝朓詩無  
由稅歸鞅  
肩

輿數晨既鍼艾之莫徵南史袁粲傳火艾鍼  
藥莫不畢具詳上啟  
果舍去聲襪

而斯及

殺梁傳衣衾曰  
襚貝玉曰含

况乎合室遠在海涯一女方羈

二子未卅人生甚痛天道奚言

江淹恨賦人生至此  
天道寧論詳上啟

今

以家國載遙干戈未息尚稽歸祔

禮記魯人之祔也合  
之注祔謂合葬也

乃議從權謂挾定鼎城東

帝王世紀春秋成王定鼎於  
郊鄆其南門名定鼎門蓋九

鼎所從  
入也

永通門外

隋地理志大業元年移都改  
曰豫州東面三門南曰永通

南瞻嵩

嶺

戴延之西征記嵩高中嶽也東謂太室  
西謂少室相去十七里嵩其總名也

北望邙山

張

七哀詩北邙何壘壘高陵  
有四五注北邙山名也

式崇寓殯之封且作藏神之

室必也慶延異日時屬通年先溫序之思歸

見代僕  
射表

俟

臧孫之有後

見為裴懿文

二十一姪女早蒙慈撫久歎違離

今又從夫山東食貧落水

詩三歲食貧

將療無及驚悲有加

敢因祭酌

集作酒酌

之馨聊冀精靈之降

見上文

嗚呼叔父永

鑒卑誠

祭韓氏老姑文

原注故安定韓尚書太夫人

猗歟我家世奉立德讓弟受封

後漢丁鴻傳緜卒鴻當襲封讓國於弟威不報

既葬乃挂衰經於冢廬而逃去

勤王賜國

左傳子犯曰求諸侯莫如勤王

名芳彝鼎

禮記

衛孔悝鼎銘悝拜稽首曰對揚以辟之勤大命施於烝彝鼎

勳盈史冊季孟國高秦

晉樂郤

按季孟國高謂在國高之間秦晉樂郤謂與樂郤為匹左傳秦晉匹也論語以季孟之間待之

恭惟柔範載稟淵塞

詩仲氏任只其心塞淵晉表宏傳贊曰公衝冲達秉志淵塞

既作

女師

宋玉神女賦顧女師善曰古者皆有女師教以婦德漢外戚傳班婕妤好誦詩及窈窕德象女師之篇

乃為嬪則

謝朓哀策思媚諸姑貽我嬪則

潁水波清梁園月明

西京雜記梁孝

王遊於志憂之館集諸遊士使各為賦公孫乘為月賦詳上表

言旋百兩且拜雙旌託

一作

侯令弟

謝靈運詩末路值令弟

配國名卿

見上文

入從迷職出

輔專征

禮記王制諸侯賜弓矢然後征晉虞預傳疏曰淮夷作難召伯專征

蝥斯不妬詩序

蝥斯后妃子孫衆多也言若蝥斯不妬忌則子孫衆多也

鳳凰和鳴

左傳懿氏卜妻敬仲其妻占之

曰吉是謂鳳凰

子飛其鳴鏘鏘

此時同慶東郡

一作郡分榮

魏地形志東郡秦置治滑

臺使者責梁

漢文三王傳梁王怨爰盎使人判殺盎天子遣使冠蓋相望於道覆按梁事使者責

二千石急梁相軒丘豹及內史安國皆泣諫王王乃令羊勝公孫詭皆自殺出之

公子專魏史記

信陵君傳魏安釐王二十年秦昭王已破趙長平軍又進兵圍邯鄲公子姊為趙惠王弟平原君夫人數遺魏

王及公子書請救於魏使者冠蓋相屬魏王畏秦終不聽公子用侯生計救晉鄙將晉鄙軍擊秦秦兵解去

帝念元昆人思仲氏杖節赴敵

晉宣帝紀諸葛亮復來挑戰帝將出兵以應之

辛毗杖節立斬芻盡瘁

後漢第五倫傳倫攝會稽太守軍門帝乃止雖為二千石躬自斬芻養馬

無以家為或從王事

易或從王事无成有終詳上表

禮優內子

左傳趙姬以叔

愧為內子而已下之禮記卿之配  
曰內子大夫之配曰孺人曰命婦  
詩美夫人詩序鵲巢夫人之德

也冕紘瑱統魯語敬姜曰王后親織玄統公侯之夫人

昭其度也注衡維持冠者統山蕨澗蘋詩序草蟲大夫

也其詩曰陟彼南山言采其蕨采蘋大夫妻能循法度

也能循法度則可以承先祖共祭祀矣其詩曰于以采  
蘋南澗子元宰見漢朱博傳博字子元夜冀缺如賓左

初白季使過冀見冀缺稱綠衣有感翟弟仍新詩序綠

其妻饁之敬相待如賓

姜傷已也妾上僭夫人失位而作是詩  
也碩人閔莊姜也其詩曰翟弟以朝  
遠歎逝一作川

遠聞晝哭禮記穆伯之喪敬姜晝哭文伯  
之喪晝夜哭孔子曰知禮矣

使傳京兆民曹氏葬茂陵民謂其道為京兆阡原涉慕之迺買地開道立表署曰南陽阡人不肯從謂之原氏

阡孟鄰斯卜列女傳孟母舍近墓孟子之少也嬉戲為墓間之事踊躍築埋孟母曰此非所以居

處子也乃去舍市旁其子嬉戲為賈又曰此非所以居

處子也乃舍學宮之旁其子遊戲乃設俎豆揖讓進退

曰此可以居處子矣閒居獻壽在臺有羸老之疾尚何

長遂成大儒詳上表

能違膝下色養而屑屑從斗筲之役乎乃作

閒居之賦曰稱萬壽以獻觴或一懼而一喜作賦之官

東征賦注曹大家集曰子毅為

陳留長大家隨至官作東征賦弓裘望襲菽水承歡禮

孔子曰啜菽飲水盡其福善餘慶好謙舊社善禍淫詳

歡斯謂之孝詳上表

上復自良人集於之子爰從上蔡去臨易水州汝南郡

文

州汝南郡



領上蔡縣  
詳上啟

空報登壇

見為懷  
州表

未聞曳履

見上河  
東公啟

鼂父先

歸莫之能比

漢鼂錯傳錯所更令三十章諸侯讓詳錯  
父曰劉氏安矣而鼂氏危吾去公歸矣遂

飲藥 趙母上言蓋不得已

史記趙奢傳趙王以括為將  
代廉頗其母上書言於王曰

括不可使將趙括既代  
廉頗秦軍射殺趙括

寒暄結患燥濕為疵徒虛百祿

靡效三豎

詩百祿是  
倚詳上啟

嗚呼壽夭所賦彭殤不移

莊子莫  
壽乎殤

子而彭誰能了悟孰不憂悲何茲達識乃克先知同易  
祖為天

箒以就正

禮記曾子寢疾病曾元曾申坐於足童子曰  
華而晚大夫之箒與曾子曰然斯季孫之賜

也我未之能易也元起易箒曾元曰夫子之病革矣不  
可以變曾子曰吾何求哉吾得正而斃焉斯已矣舉扶

而易之反席未安而沒

如買棺而指期

南史張融卒遺令曰吾平生所善自當凌雲一哭三

千買棺無置新龕

苟有所累安能及斯道遠輟輟

左傳使侯出諸輟輟初學

記輟輟關在洛陽

程遙河洛建旒臨塗移舟就壑

見上

日慘林

嶺

疑是林巒

風淒灌薄積霑茫茫行煙漠漠

謝朓詩生煙紛漠漠

某等

誠深通舊情協先親始自童子至於成人年將二紀恩

冠六姻

隋書鄭善果母謂善果曰今此秩俸當須散贍六姻

念升堂之如昨

吳志周瑜

字公瑾堅子策與瑜同年獨相友善瑜推道南大宅以舍策升堂拜母有無通共

慟幽夜之無

晨

陸機挽歌大暮安可晨注張真遺令曰地底冥冥長無曉期

歌停行路春輟比鄰

曲禮鄰有喪春不相里有殯不巷歌史記商君傳趙良曰五殺大夫死童子不歌謠春者不相杵漢孫寶傳寶

祭竈請

雖寓辭之有所終含酸而莫伸

江淹恨賦亦復含酸茹歎

壺

清媿耐

直救反漢書注耐三重醪醇酒也

俎薄羞芹惟餘彤管有美清

塵

詩靜女其變貽我彤管傳古者后夫人必有女史彤管之法史不記過其罪殺之事無大小記以成法詳

上文  
狀表  
嗚呼尚饗

為李郎中祭舅竇端州文

新書地理志嶺南道端州高要郡領縣二高要平興

始虞命

集作燕非

夏暴於玄穹功垂刊木

書禹敷土隨山刊木

德協湮

洪

漢溝洫志夏書曰禹埋洪水堙與湮同

洎帝相之難作誕少康於竇中

由屯獲吉因生受封

左傳伍員曰昔有過浣殺斟尋滅夏后相后緡方姓逃出自竇歸於

有仍生少康焉新書宰相世系表竇氏出自姒姓夏后氏帝相失國其妃有仍氏女方姓逃出自竇奔歸有仍

氏生子曰少康少康二子曰 降及後代傳勲繼庸周禮

杼曰龍留居有仍遂為竇氏 掌六鄉賞地之法以等其功王功曰勲國功曰西京則

功民功曰庸事功曰勞治功曰力戰功曰多 嬰為外戚漢竇嬰傳嬰字王孫孝文皇帝后兄子也父世觀津人上察宗室諸竇無如嬰賢師古曰

諸竇總謂 東漢則融居上公後漢竇融傳融字周公扶風平陵人也隴蜀平數月

帝外家也 拜為冀州牧十餘日又遷大司空愍陽城之不享陽城疑是安成漢外戚傳竇皇后親早卒

葬觀津薄太后乃詔有司追封竇 始移籍於扶風宰相  
后父為安成君母為安成夫人

表龍六十九世孫鳴犢為晉大夫竇氏遂居平陽鳴犢  
六世孫誦二子世扈世生嬰漢丞相魏其侯也扈二子  
經充充避秦之難徙居清河漢贈安成侯葬觀津二子  
長君廣國廣國字少君章武景侯二子定誼誼生賞襲  
章武侯宣帝時以二千石徙扶風平陵二子壽  
邕邕二子敷秀秀子林徙居武威融其孫也 源遠更

清基高自

集作足

峻有卓明靈霽然休問

見上狀

陋巷不憂

坦途方進月遠標儀

南史齊王儉傳風儀與秋月齊明音徽與春雲等潤

霞高映

論

北山移文使我高霞孤映

玉寧韞匱

見論語

雖安處囊

見上狀

宜伸尚

屈

見上文

將集猶翔

見論語

潛師大易謙尊以光

易謙尊而光卑而不

可 踰 誓安老氏債少易償

老子是以聖人執左契而不責於人呂注右契所以取左契所

以與則左契者常以與

爰紆銅墨

漢百官公卿表秩比六百石以上皆銅印

人而不為物主者也

莊子與惠子遊於濠梁之上

宓琴時奏

見為濮陽公狀

潘樹

逾芳

見為賀拔員外啓

入贊朝儀

漢叔孫通傳臣願徵魯諸生與臣弟子共起朝儀

言

揚事舉

禮記或以事舉或以言揚

圭璧蠻夷

謂執玉來朝也

弁冕文武

左傳劉定

公謂趙孟曰吾子弁冕以臨諸侯

吐辭含韻知今博古

晉石崇傳使者曰君侯博古通

今察遠

進抑退揚從規合矩

禮記古之君子必佩玉右徵角左宮羽趨以采齊行

以肆夏周還中規折還中矩進則抑之退則揚之然後玉鏘鳴也

復陶啓位

左傳楚子次於乾谿

雨雪王皮冠秦復陶注秦所遺羽衣也疏冒雪服之知是毛羽之衣可以禦雨雪也

箋復陶啓位頗難解或

舉以問余余沉思數日而始得之復陶羽衣也楚靈王  
所服後世則道流服之殆取輕舉之意封禪書武帝使  
樂大羽衣受印是也竇端州蓋始嘗為老莊之學隱  
居著道士服後乃出山入任如王希夷吳筠之輩三洞  
道科言道士有五其一曰山居道士許由巢父之比也  
魏徵少亦出家為道士及唐之中葉人主益崇道教即  
志在用世者不妨寄跡黃冠昌黎集有送張道士序亦  
其類也觀上文大易老氏等語則羽衣為竇之初服無  
疑矣不欲斥言其道流故度辭

### 殿省承榮

後漢宦者傅漢興置中常

隱語不曰羽衣而曰復陶耳  
侍官然亦引用士人以參其選皆銀璫左貂給事殿省  
按省音所景切星上聲禁署也漢避元后父王禁諱改  
禁中為省中唐制有尚書門  
下中書秘書殿中內侍六省

### 孔門之束帶無忝

見論語

叔

### 孫之繇絕難更

漢書叔孫通起朝儀以所徵三十人及  
上左右為學者與其弟子百餘人為繇

蕞野外習之如淳曰謂以茅翦樹地為纂位尊卑之次也春秋傳曰置茅絕師古曰蕞與絕同並音子悅反按

竇蓋釋褐縣令入為鴻臚故云然舊君子信讒詩君子

或醕小人道長易小人道長未暇閉關難期稅鞅顏延之詩

劉伶善閉闕詳上文暫持符竹遠出羅網見上誰識卑飛吳越春秋

曰鷺鳥將搏因成利往易利有攸往銅梁改秩蜀都賦外負

向曰銅梁山名元和郡縣志銅梁山在墊江縣南九里按墊江今四川重慶府之合州是也錦里經

時華陽國志成都西城故錦官城也錦江織錦人而去而

琴臺壞棟寰宇記益部耆舊傳云相如宅在少城中琴臺橋下百步許有琴臺在馬成都記琴臺院以



相如琴臺得名而非其舊舊臺在城外浣花溪之海安寺南今為金花寺元魏伐蜀下營於此掘塹得大甃二十餘口蓋所以響琴也隋蜀王秀更增五臺并舊為六

### 文移而石室摧基

華陽國志文翁

為蜀郡守造講堂石室一名玉堂安帝永初間烈火為災惟石室獨存太守高朕於玉堂東復造一石室為周公禮殿水經注文翁立講堂作石室於南城後守更增二石室

### 劉弘之重銘葛廟

蜀志諸葛

亮傳注蜀記晉永興中鎮南將軍劉弘至隆中觀亮故宅立碣表識寰宇記諸葛武侯廟在先主廟西方與勝覽在成都府西北二里少城內

### 王商之更立嚴祠

益部耆舊

桓溫平蜀夷少城獨存孔明廟傳王商宇文表廣漢人劉璋以商為蜀郡太守與嚴君平李弘立祠作銘寰宇記嚴君平宅在益州西一里耆舊傳云卜肆隴首云歸

柳惲詩隴首秋雲飛

### 端溪遽逐

唐端州今廣東肇慶

府治是也明一統志大江在府城西南又

名西江即端溪也深廣澄演下流入海

角豈觸藩

羊觸藩羸其角

觸終困木

易觸困於株木海闊天盡山深霧毒許靖他

鄉有名無祿

見為鹽州狀

馬超正色宜歌反哭

蜀志馬超字孟起右扶風

茂陵人父騰靈帝末與邊章韓遂等俱起事於西川超

領騰部曲軍敗超走保諸戌曹公追至安定復奔漢中

依張魯聞先主圍劉璋於成都密疏請降章武元年遷

驃騎將軍領涼州牧進封萊鄉侯二年卒臨没上疏曰

臣門宗二百餘口為孟德所誅畧盡惟有從弟

何為善

孤當為微宗血食之繼深託陛下餘無復言

之無憑而降災之甚速

書皇天降災詳上文

某欽惟教義夙所依

因在昔家世勤王實殷高旌大旆結駟飛輪

李康運命論子思遊

歷諸侯莫不結駟而造門詳上文

慶豈遺于自出榮實垂

集作萃

於外姻

見上啓狀

一紀以來艱凶造及嗟宅相以無取懼堂構之不

集

王隱晉書魏舒字陽元任城人幼孤為外氏甯家所養甯氏起宅相者曰當出貴甥舒曰當為外氏成比

宅相後累官侍中司徒詳上啟

詎言渭水之乖離

詩我送舅氏曰至渭陽

竟絕西

川之出入

見為舍人啓

嗚呼哀哉違京背闕古陌荒阡松門

積霽隴首停

集作行

煙

謝靈運詩牽葉入松門詳上文

祖庭是日乞墅何

年

禮記子遊曰飯于牖下小斂于戶內大斂于阼殯於客位祖於庭葬於墓所以即遠也廣韻乞與人物也

音丘既切詳上文

淚有血而皆裂

一作皆墮按皆當作皆裂宜仍舊詳上表

憤無膺

而可填

江淹恨賦置酒欲飲悲來填膺

況玕剖郡符環持使節

玕環寶

子名也王褒聖主得賢臣頌剖符錫壤以光祖考

塞遠城迴河窮路絕顧後瞻

前形孤影子

典引次於聖心瞻前顧後張翰詩單形依孤影

長號出次重拜臨穴

任昉為苑始典表長號北陵詩臨其穴惴惴其慄

酒醴清濃肴羞羅列詩為酒為醴以

洽百禮庶有鑒于斯文冀不同於虛設

漢賈捐之傳遙設虛祭想魂乎萬里

外 嗚呼尚饗

重祭外舅司徒公文

箋新書王茂元卒贈司徒謚曰威詳上河東公啓

嗚呼哀哉人之生也變而往邪人之逝也變而來邪冥

冥之間

謝惠連祭古冢文既不知其名  
字遠近故假為之號曰冥漢君

杳忽之內虛變

而有氣氣變而有形形變而有生

莊子離乎芒芴之間  
變而有氣氣變而有

形形變而有生今又變而之死  
是相與為春夏秋冬四時行也

今將還

一作歸

生於形歸

形於氣漠然其不識浩然其無端

一作歸

則雖有憂喜悲

歡而亦勿能措

一作用

於其間矣苟或以變而之有變而

之無若朝昏之相交若春夏之相易則四時見代尚動

於情豈百生莫追遂可無恨倘或去此亦孰貴於最靈

哉

書人惟萬  
物之靈

嗚呼公之世胄勲華職官揚厯並已託於

寄奠備在前文今所以重具酒牢載形翰墨蓋意有所  
未盡痛有所難忘以公之平生恩知曩昔顧盼屬續之  
夕不得聞啓手之言祖庭之時不得在執紼之列終哀  
且痛其可集作何非道邪嗚呼七十之年人誰不及三公之

位人誰不登何數月之間不及從心之歲聞天有慟方

登論道之司

謂贈司徒

時泰命屯

顏延之應詔詩途泰命屯思充報屈

才長運

否為善何益彼蒼難知昔澤怪既明告一作吉非教釋桓公

之病

莊子桓公田於澤管仲御見鬼馬公撫管仲之手曰仲父何見對曰臣無所見公反誅詔為病數日

不出齊士有皇子告敖者曰澤有委蛇見之者殆乎霸桓公歎然而笑曰此寡人之所見者也於是正衣冠而坐不終日而不

知病之去也 陰德未報夏侯知丙吉不亡

漢丙吉傳封吉為博

陽侯臨當封吉疾病夏侯勝曰此未死也臣聞有陰德者必饗其樂以及子孫後病果愈何昔有其

傳今無其證豈人言之不當將天道之或欺雖北海懸

定薨期

見為裴懿文

長沙前覺災至

見代李玄文

偃如巨室

見祭楊郎

中去若歸人

見代彭陽公表

處順不憂

莊子適來夫子時也適去夫子順也安時而處

順哀樂不能入也

得正之喜

見祭韓氏姑文

在公之德斯盛在物之痛

何言矧乎再軫慮居屢垂理命

理讀曰治見上表

簡子將戰之

誓惟止桐棺

左傳趙簡子誓曰若其有罪絞縊以戮桐棺三寸不設屬辟素車樸馬無入於兆下

卿之罰也

晏嬰送死之文寧思石擲

禮記有若曰晏子遣車一乘及墓而反國君七

箇遣車七乘大夫五箇遣車五乘晏子馬知禮又昔者夫子居於宋見桓司馬自為石擲三年而不成夫子曰

若是其靡也死不

如速朽之愈也素車樸馬疎巾弊帷

吳志呂岱傳遺令殯以素棺疎

巾布禱禮記仲尼曰吾聞之也敝帷不棄詳上文

成一代之清規揚百年

一作古之

休問

晉王湛等傳論曰素德清規足傳於汗簡詳上狀

所謂有始有卒高明令

終

詩高朗令終

嗚呼往在涇川

謂為涇原節度使

始受殊遇綢繆之

迹

盧諶贈劉琨詩序綢繆之旨有同骨肉

豈無他人

詩豈無他人不如我同父

樽空花



朝燈盡夜室忘名器於貴賤去形迹於尊卑語皇王致

理之文

集作源  
見上表

考聖哲行藏之旨

見論語

每有論次必蒙

褒稱及移秩農卿分憂舊許

左傳  
舊許

晉荀瑩至西郊東侵  
箋新書王茂元傳

鄭注敗悉出家貲餉兩軍得不誅封濮  
陽郡侯召為將作監領陳許節度使

羈牽少暇陪奉

多違跡疏意通期奢道密紵衣縞帶雅况或比於僞吳

見榮陽公狀

荆釵布裙高義每符於梁孟

後漢梁鴻傳鴻字伯鸞扶風平陵人

也聘同縣孟氏及嫁始以裝飾入門七日而鴻不答妻  
乃請曰竊聞夫子高義今而見擇敢不請罪乃更為椎  
髻荆釵布裙操作而前鴻大喜字之曰德耀名孟光

今則已矣安可贖乎

集作兮  
詩如可

贖兮人  
百其身  
嗚呼哀哉千里歸塗東門故第數尺素帛一爐

香煙耿賓從之云歸  
范雲贈張徐州稷詩賓從皆珠玑  
儼盤筵而不御

後漢王渙傳渙喪西歸道經弘農民庶皆設槃案於路  
小君多患諸孤善喪登堂

輒啼下馬先哭  
喪大記始卒主入啼兄弟哭  
含懷舊極撫事新傷植

玉求歸已輕於舊日  
搜神記羊公雍伯雒陽縣人性篤孝父母終葬無終山遂居焉山高

八十里上無水公汲水作義漿於阪頭行者皆飲之三年有人就飲以石子一斗與之使至高平好地有石處種之玉當生其中羊公未娶又云汝後當得好婦語畢不見種其石數歲有徐氏右北平著姓女公乃試求徐氏徐氏戲云以白璧一雙來當聽為婚公於所種石中得五雙白璧以贄徐氏徐氏大驚遂以女娶公天子異

之拜為大夫於種玉處四角作大  
石柱各一丈中央一項地曰玉田  
泣一作非珠報惠寧盡

於茲辰

吳都賦淵客慷慨而泣珠博物志南海外有鮫人水居如魚不廢績織其眼泣則能出珠出人

間賣綃臨去從主人索  
器泣而出珠以與主人  
况邢氏吾姨詩東宮之妹蕭門

仲妹愛深猶女思切仁兄

後漢趙壹傳壹報曰實望仁兄昭其懸達撫蔭緯

以增摧

左傳釐不恤其緯而憂宗周之隕為將及焉

闔孀閨而永慟

淮南子寡婦曰

孀

草茨土梗

說文茨草根也莊子魏文侯曰吾所學者真土梗耳

旁助酸辛高鳥

深魚遙添怨咽嗚呼精神何往形氣安歸苟寸能有所

未伸勲庸有所未極則其強氣宜有異聞玉骨化於終

山集作鍾山淮南子鍾山之玉炊以爐炭楸栢實於裘

氏禮記衛有太史曰柳莊寢疾公曰君疾革雖當祭必告再拜稽首請於尸曰有臣柳莊也者非寡人之臣

社稷之臣也聞之死請往不釋服而往遂以禴之與之邑襄氏與縣潘氏書而納之棺曰世世萬子孫無變也

驚愚駭俗佇有聞焉嗚呼姜氏懷安之規既聞之矣左傳

晉公子重耳及齊齊桓公妻之姜曰行也懷與安實敗名畢萬名數之慶可稱也哉

集作夫見為成魏州表篋有遺經匣藏傳劔積茲餘慶必有揚名

愚方遁跡丘園易賁于丘園游心墳素潘岳閒居賦傲墳素之長圖前耕

後餉用左傳冀缺事并食易衣禮記易衣而出并日而食不忤不求道誠有

在自媒自銜

見為張周封啓

病或未能

枚乘七發太子曰僕病未能也

雖呂範

以久貧

吳志呂範字子衡汝南細陽人也邑人劉氏女美範求之女母欲勿與劉氏曰觀呂子衡寧當

久貧者邪遂與之婚

幸治長之無罪

見論語

昔公愛女今愚病妻內

動肝肺外揮血淚得仲尼三尺之喙論意無窮

莊子仲尼之楚

楚王觴之孫叔敖執爵而立市南宜僚受酒而祭曰古之人乎於此言已曰丘願有喙三尺

盡文通

五色之毫書情莫既

見為山南啓

嗚呼哀哉公其鑒之

為李兵曹祭兄亳州刺史文

亳州望領縣八誰鄴城父鹿邑真源臨溪

永城  
蒙城

伏惟靈天枝挺秀帝系傳芳材高杞梓

見為賀拔員外啓

價集

位重珪璋

禮記圭璋特達德也

蘭芷斯茂先以馨香

南史王僧孺傳任昉贈詩

曰敬之重之如蘭如芷曹植七啓酷烈馨香

干鏑將用不挫鋒鏑

吳越春秋干將者吳

人造劍二枚一曰干將二曰莫邪庾信神道碑鎮北鋒鏑

始備千牛俄仕諸衛

通典千牛

刀名後魏有千牛備身掌執御刀因以名職顯慶五年置左右千牛府後改為衛置大將軍一人將軍各一人以副逸意方起絕足猶繫孔融書燕君市駿馬之骨非欲以聘道里乃當以招絕足

也爰佐羣僕亦掾神京

謝朓哀策背神京之弘敞

邑惟二宅

見為懷州表

曹實五兵

初學記魏有吏部左民客曹五兵度支凡五曹尚書

地峻流急官間政

清嵩少曉霽

見為馮從  
事妻文

伊洛秋明侶能吟之謝客

鍾嶸  
詩品

謝客為元嘉之雄顏延年  
為輔客兒靈運小名也

伴作賦之賈生

漢藝文志賈  
誼賦七篇

遂擢堯廚

帝王世紀堯時廚中自生肉脯薄如翼  
搗則風生使食物寒而不臭名曰翼脯

曾

一作仍

調湯膳位列大朝名參內殿

王祭詩晝日處大  
朝日暮薄言歸吳

志呂蒙傳蒙疾發權  
時在公安迎置內殿

朱紱輝華銀龜精祭

見為濮  
陽公表

漢有

宗正委之親賢

漢書劉德字路叔為宗正與立宣帝  
地節中以親親行謹厚封為陽武侯

貳

彼惟月人寧我先

書卿士  
惟月

外夷求聘天子憂邊皇華始

賦紫綬俄懸

詩序皇皇者華君  
遣使臣也詳上啟

雄其出塞之任假以中

臺之權

漢匈奴傳凡五將軍兵十餘萬騎出塞各二千餘里詳上表

不拜無慙於蘇

武

漢蘇武傳武引佩刀自刺武氣絕半日復息單于愈益欲降之廼幽武置大窖中絕不飲食天雨雪武卧

齧雪與旃毛并咽之數日不死

去節寧類於王馬

漢匈奴傳漢使王烏等闕匈奴匈奴法漢

使不去節不以墨黥其面不得入穹廬王烏北地人習胡俗去其節黥面入廬單于受之王烏此作王馬按藝

文類聚引漢使王馬等窺匈奴足證今本漢書之誤

銜鬚誓死

後漢獨行傳温序為隗囂別將苟宇

所拘劫序受劔銜鬚於口顧左右曰既為賊所殺無令鬚汙土遂伏劔而死

齧雪獲全帝仗

使者吾無愧旃既返中華止同屬國

李陵答蘇武書聞子之歸贈不過二

百萬位不

蒼蠅難祛

一作備非曹植詩蒼蠅問白黑讒巧令親疎

貝錦方織



見祭呂商州文  
好丹非素  
江淹雜體詩序至於世之諸賢各滯所迷莫不論甘而忘辛好丹而非素

點白為集作黑遭時不知非予有感既失志於絳灌見

絳郡公文遂不容於樂郤左傳宣公十五年晉三郤害伯宗譖而殺之初伯宗每朝其妻必戒

之曰子好直言必及於難又成公八年晉趙莊姬為趙嬰之亡故譖之於晉侯曰原屏將為亂樂郤為徵六月

晉討趙同趙括竟陵山水舊書地理志復州竟陵郡上本沔陽郡治竟陵貞觀七年徙治沔陽天寶

元年更名寶應二年復故鍾離控扼地理志濠州鍾離郡上濠字初作豪元和三年改從濠名

貴隼旗時瞻熊軾見上表人以功遷吾由謗得其明若神

漢黃霸傳霸為潁川太守其惠如春曹植七啓民望如草我惠如春先

除黠吏

漢尹翁歸傳拜東海太守輒披籍  
縣縣收取黠吏豪民案致其罪

且活疲民

王融

策秀才文豈布政  
未優將疲民難業

汙萊盡闢

詩田卒  
汙萊

邑室重新草祥木

瑞

後漢何敞傳京師及四方果有奇  
異鳥獸草木言事者以為祥瑞

獸去鳥馴

後漢魯恭傳恭

為中牟令螟不入界河南尹袁安使掾肥親覘之恭與  
親坐桑下有雉過止其旁旁有童兒親曰何不捕之兒

曰雉方將雛親歎其三  
異獸去見為裴懿文

方侯徵還俄嬰美疾積微而桓

侯竟晚

見為裴懿文

達命而徐公待盡

晉魏舒傳識者以此  
稱其達命南史徐廣

傳武帝受禪恭帝遜位廣又涕泗交流謝晦謂曰徐公  
將無小過廣言墳墓在晉陵丹徒又生長京口息道玄  
忝宰此邑乞隨之官歸終桑梓年過  
八十猶歲誦五經一遍元嘉二年卒  
况况空驚司馬相  
如長門

賦神悅悅而外淫善曰遲遲未信誰知泉路之高低見上

表 孰測夜臺之遠近阮瑀七哀詩冥冥九泉室漫漫長夜臺 永惟良配亦

實女師庶姜尤效君子是宜異室無怨同穴有期詩庶

孽穀則異室死則同穴詳上文 河魴著詠皎日裁詩詩豈其食魚必河魴又謂予不信

有如嗚呼哀哉龜筮協從日時斯卜將去荒郊陶潛挽歌送我

出遠 郊 言辭華屋曹植詩生存華屋處零落歸山丘 草樹縈帶孫子兵法草樹蒙籠

川原迴複白髮孤弟臨棺慟哭失慈撫於終身宛聲容

之在目心摧則冰炭交集郭象莊子注喜懼交集於胸中固已結冰炭於五臟矣

血下而縵靡相續

見祭呂商州文

萬古永訣百身何贖酒滿未

御肴乾未臨已矣伯氏來慰哀心

祭小姪女寄寄文

正月二十五日伯伯以果子弄物招送寄寄體魄歸大  
塋之旁哀哉爾生四年方復本族既復數月奄然歸無

于鞠育而未深

一作申詩父兮生我母兮鞠我拊我畜我長我育我

結悲傷而何

集作則非

極來也何故去也何緣念當稚戲之辰孰測生死

之位時吾赴調京下移家關中事故紛綸光陰遷貿寄

瘞爾骨五年於茲白草枯

滿岳悼亡詩  
枯荻帶墳隅

荒塗古陌左

思

詩荒塗  
橫古今

朝飢誰飽夜渴誰憐爾之栖栖吾有罪矣今吾

仲姊

即裴氏姊

反葬有期遂遷爾靈來復先域平原卜穴刊

石書銘

喪服小記復與書銘自天子達於士其辭一也

明知過禮之文何忍深

情所屬自爾沒後姪輩數人竹馬玉環

杜氏幽求子年五歲有鳩車之

樂七歲有竹馬之樂明皇雜錄

天后常召諸皇孫坐於殿上觀其嬉戲因出西國所貢玉環釵盃盤縱令爭取

以觀繡檐文祿

韻書檐榆蔽膝也史記趙世家程嬰公孫杵臼謀取他人嬰兒負之衣以文葆

匿山

堂前堦下日裏風中弄藥爭花紛吾左右獨爾精

誠不知所之况吾別娶已來嗣緒未立猶子之義倍切

他人念往撫存五情空熱

文子昔中黃子曰色有五章人有五情

嗚呼榮

水之上

書導沈水東流為濟入於河溢為滎漢地理志河東郡垣縣禹貢王屋山在東沈水所出東南

至武德入河軼出滎陽北地中

檀山之側

見祭處士叔父文

汝乃曾乃祖松櫨

森行

任昉求立太宰碑表松櫨成行

伯姑仲姑姑冢墳相接汝來往於此

勿怖勿驚華絲衣裳甘香飲食汝來受此無少無多汝

伯祭汝汝父哭汝哀哀寄寄汝知之邪

祭徐姊夫文

嗚呼以君之文學以君之治政

一作術

幼以自立老而不

倦亦可以為君子人矣君子人歟而不即清途

南史荀伯子好

為雜語遨遊閭里故以此失清途

不階貴仕

見代安平公遺表

此其命也夫何

慊焉始者仲姊有行

詩女子有行遠父母兄弟

獲託貴族

魏陳思王植傳華宗

貴族半產以資於外姓

晉袁喬傳與袁書曰將軍之於國外姓之太上皇也

闔門寄

一作冀

託於仁人

後漢賈復傳闔門養威重

將以衰微倚為藩援

陸機辨亡

論夫蜀蓋藩之與國也

不圖薄佑天奪初心

左傳號公敗戎於桑田晉卜偃曰是天奪

之鑿而益其疾也

仲姊凋殂諸甥不育以親以懿

左傳富辰曰兄弟雖有小

怒不廢

翻為路人再號再呼莫訴蒼昊尚以君子存仇

儷之重敦行李之私

世說孫子荆除婦服作詩以示王武子王曰未知文生於情情生於

文覽之凄然增仇儷之重詳上狀

二十年已來雖事睽

一作

而意通跡

遙而誠密神當賜

集作

鑒愚豈敢忘逮愚不天

左傳楚子圍鄭

鄭伯肉袒牽羊以迎

再丁凶釁泣血偷息

庚信乾干弘碑煢煢屑于

泣血徙步奔波千里晉

餘生幾何君方赤紱銀章

易困于赤

上表 紱詳

澗東從務 舊書地理志浙江西道節度使治潤州

越州管越衛婺温台

道途悠邈時序徂遷訝弔緘之不

明等州或為觀察使



來忽計書之一作而俱至感舊懷分情如之何埋玉焚芝

固未可喻見代李嗚呼今來古往人誰不亡於今之亡

其酷斯甚藐然一女纔已數齡乞後旁宗又未能立賢

弟扶服東路揚雄解嘲扶服入索按扶服通作遇疾浴

師見檄徘徊十旬淹不得進浮泛水陸厥途四千建旒

云歸曠然無主王隱晉書傳咸遭繼母憂上書曰尼姑

居宗老之地南史蕭琛傳上黠集作奴總家相之權漢

殖傳桀黠奴獲及故阡信為餘慶其所以為附身附棺

人之所惡

之具

禮記子思曰喪三日而殯凡附於身者必誠必信勿之有悔焉耳矣三月而葬凡附於棺者必誠必

信勿之有悔焉耳矣

又豈礙平生之曠達邪

晉裴頠傳崇有論云奉身散其廉操謂之

曠

日月次遷卜筮斯協幽明之異始於今辰愚方纏哀

憂瘵恙縻寢

謝靈運詩寢瘵謝人徒善曰爾雅瘵病也

不及一攀冢

一作宰是

樹

一慟荒阡

春秋公羊傳宰上之木拱矣注宰冢也

謝澹成之交申永訣之

禮

禮記君子之交澹若水莊子君子澹以親小人甘以絕

矧余仲姊君其與歸撫

心骨以皆驚披血淚而何算

江淹別賦使人意奪神駭心折骨驚

嗚呼已

哉其何言邪襚衣非華奠物殊薄靈其鑒此慰我哀心

嗚呼尚饗

祭徐氏姊文

嗚呼追訣慈念一十八年罪積行違上下無禱天怒猥

集不誅其身再丁憫凶藐無怙恃

一作峙岵非詩無號  
父何怙無母何恃

潰荼裂心摧骨崩

曹植誄號  
慟崩摧

獲見諸甥來奉遷合舊物

半同於泥滓新阡方列於松楸斷手折足厥痛非擬終

天歿地此誠莫伸冤痛蒼天孤苦蒼天始某兄弟初遭

家難內無強近外乏因依

李密陳情表外無蕃  
功強近之親詳上狀

祇奉慈

顏潘岳閒居賦壽鵬舉慈顏和被蒙訓勉及除常制方志人曹以頑

陋之姿辱師友之義獲因文筆晉封孚傳文筆多傳于世實忝科名

三千一作有司兩被公選再命芸閣叨跡時賢仲季二

人亦志儒墨於顯揚而雖未在進修集作修進非而不隳易

子進德修業欲及時也永惟幽靈盍亦垂鑒今者苴麻假息禮記苴杖

竹也削杖桐也又斬衰括髮以麻注為母括髮以麻後漢謝夷吾傳遊魂假息糞土偷存不即

殞傷蓋亦有以伏以奉承大族載屬衰門南史謝瞻言於武帝曰特乞降黜以

保衰門三弟未婚一妹處室息肩猶闕家徒索然陸機歎逝賦十

年之內索  
將恐烝嘗有曠闕之憂丘隴絕芟除之主

鮑昭

蕪城賦井徑滅兮丘隴殘烝嘗見下序  
延駐晷刻不敢自私又以祖曾之

前未一完兆骨肉之內猶有旅魂將自來茲克用通便

以顯之義雖不敢望無忝之訓庶幾或存

詩無忝爾所生詳上文

靈其聞之必將加憫然有以沒齒懷恨

後漢清河孝王慶傳帶泣向左

右以為沒齒之恨  
粉身難忘者

法苑珠林釋法先誓粉身骨用生淨土

以靈之懿

茂而不登遐壽不生賢人使別女致哀猶子為後哀哀

天地云胡不仁默默神祇其何可訴今嵩與二子既為

我甥誓當撫之以慰幽抱男勸其學使得祿仕女求其

偶必擇賢良縱非宅相之徵庶泯忽諸之歎壽堂宿啓

潛舟既移那期永訣之悲復見重開

集作  
閱非

之兆以祥忌

云近哀憂載迷

禮記父母之喪既虞卒哭疏食飲水不  
食菜果期而小祥食菜果再期而大祥

有醢醬中月而禫禫  
而飲醴酒並詳上文

不獲臨壙達誠

爾雅藏葬  
謂之壙

撫柩致

奠

禮記在  
棺曰柩

東望景毫

左傳商湯有  
景毫之命

椎心仆身

李陵答蘇  
武書此

所以仰天推  
心而泣血也

具襚擇蔬灑以淚血日慘風遠叫號無聲

伏惟明靈一賜臨鑒孤苦蒼天不孝蒼天

祭裴氏姊文

嗚呼哀哉靈有行於元和之年返葬於會昌之歲光陰

迭代三十餘秋得不以既葬

一作算

闕廟見之儀

禮記孔子曰三

月而廟見也

一作改卜

舉歸宗之禮

會稽典錄徐平兩婦歸宗敬奉情過乎厚

南史謝弘微傳歸宗兩姑晨夕瞻奉盡其誠敬

不幸不祐天實為之

易天命不祐詩天實

為之謂推心泣血孰知所訴恭惟先德實紹玄風

晉向秀傳

為莊子隱解發明奇趣振起玄風

良時不來百里為政愛女二九

古詩芳年

踐二思託賢豪誰為行媒

禮記男女非有行媒不相知名

來薦之子雖

琴瑟而著詠

詩窈窕淑淑女琴瑟友之

終天壤以興悲

晉列女傳謝道韞初適凝

之還甚不樂叔父安曰王郎逸少子不惡汝何恨答曰一門叔父則有阿大中郎羣從兄弟復有封胡羯末不

意天壤之中乃有王郎

謂之何哉繼以沉恙禱祠無冀奄忽凋違

時先君子以交辟員來南轅已轄接舊陰於桃李寄暫

殞之松楸

韓詩外傳春樹桃李夏得陰其下秋食其實詳上文

此際兄弟尚皆乳

抱空驚啼於不見未識會於沉寃淞水東西半紀漂泊

某年方就傳

禮記十年出就外傳

家難旋臻躬奉板輿以引丹旒

潘岳閑居賦太夫人乃御版輿升輕軒詳上文

四海無可歸之地九族無可倚



之親

書以親九族

既祔故丘便同逋駭生人窮困

集作異非

聞見

所無及衣裳外除旨甘是急

任昉行狀迨衣裳外除心哀內疚禮記親喪外除又

父子皆異宮味爽而朝慈以旨甘

乃占數東甸傭書販畚

一作春非吳志闕澤字德

潤會稽人家世農夫至澤好學無以資常為人傭書以供紙筆晉載記王猛微時賣畚

日就月將

詩日就月將

漸立門構清白之訓

後漢楊震傳故舊長者或欲令為開產業震不肯曰

使世稱為清白吏子孫以此遺之不亦厚乎

幸無辱焉既登太常之第

新書選舉

志肅代以後兵興天下多故官員益濫而銓法無可道者至德宗時試太常寺

復忝天官之選

選舉志每問經十條對策三道皆通為上第吏部官之三

免跡縣政刊書秘丘

晉束皙傳

玄居釋曰學既積而南史劉之遴傳武帝謂曰卿母年德榮養之志纔通

並高故令卿衣錦左傳司還鄉盡榮養之理馬侯曰啓動之期有漸而天神降罰

楚王方侈天或者欲逞其志以詩棘人艱棘再丁樂樂兮弱弟厚其毒而降之罰未可知也

幼妹未笄未冠禮記男子二十冠而脣緒猶闕魏志蔣

魏書述曹氏家徒屢空載惟家長之寄偷存晷刻之命脣緒亦如之

號天叫地五內崩摧李陵詩行行且自然亦以靈寓殞割無令五內傷

獲嘉向經三紀漢地理志河內郡獲嘉縣注故汲之歸新中鄉武帝行過更名也詳上表

祔之禮闕然未修是冀苟全得終前限諸葛亮表苟全性命於亂世

屬劉孽叛換逼近懷城

謂劉稹之變

懼罹焚發之灾

魏文帝典論喪

亂以來漢氏諸陵無不發掘乃至燒取玉柙金鏤體骨并盡

永抱幽明之累遂以前

月初吉

詩二月初吉載離寒暑

攝練告靈

北史崔光傳光獨攝衰振杖

號步東

郊訪諸耆舊孤魂何託旅櫬奚依

陸機挽歌歎息重櫬側社預左傳注櫬棺

也詳上表狀

垂興欲墮之悲幾有將平之恨

江淹恨賦琴瑟滅兮丘隴平詳

上斷手解體何痛如之灑血荒墟飛走同感

王子年拾遺記田疇

往劉虞墓設雞酒之禮慟哭之音動於林野翔鳥為之淒鳴走獸為之吟伏

伏惟朝夕二奠

禮記朝奠日出夕奠逮日

不敢久離遂遣義叟一人主張啟奉

曾子問自

啓至于抱頭拊背戒以信誠附身附棺庶無遺闕檀山  
反哭

榮水實惟我家靈其永歸無或栖寓嗚呼哀哉靈沈繇

之際殂背之時某初解扶牀

樂府焦仲卿妻詩新婦初來時小姑始扶牀

猶

能記面長成之後宜忘遷移項者以先妣年高兼之多

恙每欲諮畫即動作咸涕泣既繁寢膳稍減雖云通禮

亦所難言荏苒於斯非敢怠忽今則南望顯考東望嚴

君伯姊在前猶女在後克當寓邸

鄭疑是邸

歸養幽都雖歿

者之宅兆永安而存者之追攀莫及

王榮七哀詩朋友相追攀

又以

十二房舊域風水為灾胡子彭兒藐馬孤小雖古無修

墓著在典經而忘禮約情亦許通變今則已於左坎

一作

次別卜鄰原

鄰一作鮮是詩度其鮮原傳小山別大山曰鮮箋鮮善也

重具棺衾再

立封樹通年難遇同

一作周非

月異辰兼小姪寄兒亦來自

濟邑駭魂雅魄依託尊靈遠想先域之旁纒纒相望重

溝壘陌萬古千秋臨穴既乖飲痛何極唯安陽祖妣未

祔仍世遺憂昨本卜孟春便謀啓合會雍店東下

店疑是兵

逼近行營烽火朝然鼓鞞夜動雖徒步舉櫬古有其人

見祭徐  
姊夫文

用之於今或為簡率潞寇朝弭則此禮夕行首

夏已來

陶潛詩首  
夏猶清和

亦有通吉

玄女經天地開  
通造葬大吉

儻天鑒孤

藐神聽至誠獲以全茲免負遺託即五服之內更無流

寓之現一門之中悉共歸全之地今交親饋遺朝暮餽

餽收合盈餘節省費耗所望克終遠事豈敢溫飽微生

苟言斯不誠亦神明誅責老舊僕使纜餘兩人靈之組

繡餘工翰墨遺跡

潘岳悼亡詩  
翰墨有餘跡

並收藏篋笥

任昉詩  
歌盈篋笥

用寄哀傷嗚呼哀哉舜天當年

詩有女同車顏如舜華  
傳舜木槿也疏樊光曰

木槿華朝生暮落與  
草同氣故在草中

骨還舊土

禮記延陵季子曰骨肉復歸於土命也若魂氣

則無不箕帚尋移於繼室

吳語勾踐請盟一介嫡女執箕帚以咳姓於王宮左傳惠

公元妃孟子孟子卒繼室以聲子注諸侯始娶則同姓  
之國以姪婦媵元妃死則次妃攝治內事猶不得稱夫

人故謂之繼室

兄弟空哭於歸魂

沈炯有歸魂賦

終天銜冤心骨分裂

潘岳哀永逝文今奈何兮一舉邈終天而予不反詳上文

胞胎氣類

法苑珠林在母胞胎日三自歸

寧有舊新叫號不聞精靈何去寓詞寄奠血滴絨封靈  
其歸來省此哀殞傷痛蒼天孤苦蒼天伏惟尚饗

為外姑隴西郡君祭張氏女文

箋爾雅云妻之母為外姑隴西郡君王茂

元妻之  
封號也

吾配汝先世二十餘年七女五男撫之如一往在南海

令子云亡藐爾兩姑未勝多難提挈而至

王制斑白者不提挈

涇涉河

南海至此歷故已從茂元任官所至詳上表

十年之間母子俱盡念

汝差長慰吾最深女德婦容

禮記教以婦德婦言婦容婦功

光映姻表

北史楊津傳宗族姻表罕相參候

秭歸為牧

漢地理志南郡領秭歸縣

官閒俸優實

獲我心因選良對笄梳纚纚環珮鏘鏘螽斯鳳皇兩有

深慶汝夫

一作天

文章播於朋友身否命屯久而不第郎



寧合浦

詩歸寧父母漢地理志合浦郡武帝元鼎六年開屬交州

萬里乖離汝寄京

師食貧終歲項吾南返又往朝那

漢地理志朝那縣

安定郡有謂遷汪原

汝實從夫適來岐下道途雖邇面集猶妨金馬碧雞華陽

國志蜻蛉縣碧雞金馬光影條忽民多見之有山神漢宣帝遣蜀郡王褒祭之欲致雞馬

長懸魂夢

及登農揆去赴天朝汝罷蒲津

同州朝邑縣黃河東所有蒲津關

聿來

胥會朝堂夜閣曲榻温爐稚子雛孫滿吾懷抱汝時不

佑忽爾孀殘撫視冤傷載慟心骨

見上文

旋移許下念汝

支離卜室築居言遷穎上

新書穎川汝陰郡領穎上縣

潞童作孽

謂劉

稹之使節啓行崎嶇關山漢陸賈傳崎嶇山海間暴露戎旅漢宣帝紀

詔曰暴汝失所怙謂茂元征劉吾猶未亡左傳未亡人注婦人既寡

露軍旅自稱未念汝弟昆莫任堂構見上牽哀挽痛媮此殘生

亡人日往月來旋更歲序易日往則月來寒往則暑來詳上文吾衰汝少吾病

汝強誰謂一朝汝先吾逝五男未冠二女未笄哀憤之

深難全一作念非禮道章兒盧七謂張氏女取以依吾汝夫

先丘遠在江渚羣從之內晉王凌傳羣從一門並相與服事官名且稀

劉四頃年固難返葬始議權厝遂得嘉占白馬呈祥賦

牛薦吉

見祭處士文

里名三趙地爾九城

五代史王建世家宗壽得王氏十八

喪葬之長安南三趙邨九城謂帝城也爾與邇通三趙在長安之南故曰地爾九城按九城本淮南子 風

水無虞巒岡信美葬於所始

郭璞葬經故葬者葬其所始

古為達生

謝靈運詩達生幸可託

將命來雲自我為祖

爾雅子之子為孫孫之子為曾孫曾孫之

子為玄孫玄孫之子為來孫來孫之子為

弟孫 今汝之柩斯

焉是歸嗚呼言自淮陽已臨洛宅

書洛誥既定宅

素棺丹旒

蔡邕

陳太丘碑時服素棺槨財周襯

託宿城隅

謝朓詩徘徊憐暮景惟有洛城隅

盤具杯醪

儼然已備吾將臨汝用雪沈寃介婦諸孫

禮記介婦請於冢婦

憂吾衰

齒

後漢韋彪傳  
犬馬衰齒

俯令推測云有相妨俗忌巫言吾非甚

信牽衣擁路

漢樂府兒  
女牽衣啼

固不可違

一作  
遲誤

女使僕奴寄辭

而往

張協雜詩寄  
辭翰墨林

肝腸兼潰血淚無行嗚呼曩昔容華

生平淑婉漠然不見永矣何歸將籍掛諸天

初學記道  
有諸天內

音經立世論欲界  
諸天亦後如是

遙歸真路

徐陵孝義寺  
碑咸歸至真

將福興靜域

南史庾說傳舉室咸聞空中唱  
上行先生已生彌陀靜域矣

須赴上生

法苑珠林雜  
寶藏經云夫

尋答言我是汝夫以作塔  
寺功德因緣得生天上

將為豐累所招遂淪幽界將

是療治不至枉喪韶年千感

一作  
惑非

裝懷萬疑疊慮觸途

氣結

曹植詩念我平生居氣結不能言

舉目心摧天實為之復將何訴

嗚呼汝弟言護靈輜

潘岳哀永逝文俄龍輜兮門側說文輜喪車也

自始及今

必誠必信棺衾華好封隧幽深永從汝夫以安玄路寬

摧債結殆

一作文

不勝書嗚呼有靈領吾此意

李義山文集箋註卷七

欽定四庫全書

李義山文集箋註卷八

監察御史徐樹穀箋

山東提學僉事徐炯註

祝文

祭桂州城隍神祝文

何孟春餘冬序錄城隍之祀莫詳其始先儒謂既有社不

應復有城隍唐李陽冰縉雲城隍記謂祝典無吳越有爾然成都城隍祠太和中李德裕所建張說有祭城隍文杜牧有祭黃州城隍文則不獨吳越為然又蕪湖城隍建於吳赤烏二年高

齊慕容燕梁武陵王祝城隍神皆書於史又不  
獨唐而已宋以來其祀徧天下或賜廟額或頒  
封爵或遷就傳會各指一人為神之姓名如鎮  
江慶元寧國太平華亭蕪湖等郡邑皆以為祀  
信隆興賴表江吉建昌臨江南康皆以為灌嬰  
是也陸游云唐以來郡縣皆祭城隍今世尤謹  
守令謁見儀在他神祠上社稷雖尊特  
以今式從事至祈禳報賽獨城隍而已

維大中元年歲次丁卯八月甲午朔二十七日庚申桂

州管内都防禦觀察處置等使正議大夫使持節桂州

諸軍事守桂州刺史兼御史中丞上柱國賜紫金魚袋

鄭某

舊書輿服志高祖給四品五品隨身魚飾以銀天  
授初改作龜袋三品已上飾以金四品以銀五品



以銅神龍初內外官五品已上依舊佩魚袋郡王嗣王特許佩金魚袋

謹遣直官攝功曹

參軍文林郎守陽朔縣令莊敬質謹以旨酒庶羞之奠

祭於城隍之神濬洳崇墉

左思魏都賦崇墉濬洳嬰堞帶洙

所以固吾

圉

左傳鄭莊公曰寡人之使吾子處此不惟許國之為亦聊以固吾圉也

春祈秋報

詩序

春夏祈穀於上帝也豐年秋冬報也

所以輔農功

周語無有求利於官以干農功

今露白

電收蟲坏水涸

禮記孟秋之月涼風至白露降仲秋之月雷始收聲蟄蟲坏戶殺氣浸盛陽氣

日衰水始涸

念時賜而時雨

書曰肅時雨若曰乂時暘若

將乃積而乃倉

詩迺積迺倉

敢以吉辰式陳常典神其保茲正直

左傳內史過曰神聰

明正直而  
壹者也

歆彼馨香

左傳季梁曰所謂馨香無譏惡也

聿念前修勿虧

明鑿昔房豹變樂陵之井味

北史房豹字仲幹河清中遷樂陵太守郡瀕海水味

多鹹苦約命鑿一井遂得甘泉遐通以為政化所致

任延易九真之土風

後漢循吏傳任

延字長孫南陽宛人詔徵為九真太守初平帝時漢中錫光為交趾太守化聲侔于延嶺南華風始於二守焉

豈獨人謀抑由冥助今猶古也神實聽之

為安平公交州祭城隍文

年月日致祭於城隍之神四民攸居是分都邑五兵未

息

周禮司兵掌五兵五盾漢吾丘壽王傳古者作五兵注謂矛戟弓劍戈

爰假金湯

漢蒯通傳

金城湯池不可攻也惟神受命上玄守職茲土擁長雲之壘鮑昭

傳呼若斷岸壘似長雲提却月之營魏志馬超攻冀城楊阜使弟岳於城上作偃月營南史帝

遺白直隸主丁昨於河北為卻月陣主張威靈莊子孰主張是彈壓氛祲見為鹽

某方宣朝旨來總藩條帷一作帳中之列一作位既安幕內

之籌敢失並見前神其守同石堡新書地理志鄆州鄆城縣南隔澗七里有天威

軍軍故石堡城見代安護等玉關平公表長令萃若岬焉無使復于隍

也易城復于隍

### 為懷州李使君祭城隍神文

年月日致祭於城隍之神某謬蒙朝獎叨領藩條熊軾

初臨虎符適至

並見表

敢資靈於水土冀同固於金湯况

彼潞人實逆天理因承平之地以作巢窠毆庸

一作康樂

之民

周禮小行人職曰其康樂和親安平為一書

以為蠹賊

左傳晉侯使呂相絕秦曰帥我

蠹賊以求搖蕩我邊疆

一至於此其能久乎惟神廣扇威靈劃開

聲勢俾犯境者望飛鳥而自遁

左傳叔向告晉侯曰城上有烏齊帥其遁此

滔天者

書象恭滔天

聽唳鶴以虛聲

晉載記符堅泚水之敗其走者聞風聲鶴唳皆

以為

崇墉載嚴巨壑無壅今來古往

尸子往古來今日宙

永無川

竭之因

周語伯陽甫曰山川竭亡國之徵也

萬歲千秋

既籍詩千秋萬歲後

莫有

土崩之勢

史記秦始皇紀土崩瓦解

神其聽之無易我言

為舍人絳郡公鄭州禱雨文

年月日鄭州刺史李某謹請茅山道士馮角禱請於水

府真官

木華海賦水府之內極深之庭晉樂府神靈亦道同真官今來下

伏以旱魃為

虐

詩旱魃為虐虐如快如笑

應龍不興

山海經為應龍之狀乃得大雨

困杲日於詩

人詩杲杲日出

苦密雲於易象

易密雲不雨

生物斯瘁民食攸艱

書暨稷播麥庶艱食鮮食

其叨此分憂俯慙無政爰求真侶虔禱陰

靈滅哺表勤

魏武帝樂府周公吐哺天下歸心

褰帷引咎

見為榮陽公表 伏乞

下通榮播

水經注左傳襄公十一年諸侯伐鄭西濟於濟棗京相璠曰鄭地言濟水榮澤中北流至

垣雍西與出河之濟會南去新鄭百里斯蓋榮播河濟往復逕通矣

上達天潢

史記天官書西宮咸

池曰天潢

合為膏澤之原用息蘊隆之患

詩蘊隆蟲蟲

其於效

信或敢逡巡

漢司馬相如傳逡巡避席

暴露託詞

後漢獨行傳諒輔廣漢新都入仕郡

為五官掾時夏大旱輔乃自暴庭中須臾澍雨世稱其至誠

焦勞結慮

見上表

泉間候

氣見上 樹杪占風

晉管輅傳輅曰今夕當大雨樹上已有少女微風若少女反風其應至矣 惟望玉女之

披衣

王采安成記萍鄉西城津有玉女岡天當雨輒先漏五色氣於石間俗呼為玉女披衣

敢駭

商羊之鼓舞

家語齊有一足之鳥飛集殿前舒翅而跳孔子曰此鳥名曰商羊且諺曰天將大雨

商羊鼓舞果大霖雨

竊希玄感

晉呂光傳光曰吾聞李廣利精誠玄感

聽察丹誠

隋書

觀德王雄讓表云將鑿丹誠

賽舜廟文

太平寰宇記桂州臨桂縣虞山下有皇潭言舜南巡遊此因名今訛曰黃潭亦

曰舜廟在焉桂林舊志虞山在臨桂縣東北五里一名舜山左臨灘水後臨黃潭其下有洞宋

張拭名之曰韶音洞南有平原舜祠在焉明一統志舜山層巖臨江有舜祠唐韓雲卿為記刻

于岷石宋張拭重修

年月日昭賽虞舜之祠伏以帝狩南荒

一作方禮記舜崩於蒼梧之野

欽定四庫全書

李義山文集箋註

五

蓋三妃未之從也注南巡而崩史記舜踐帝位三十九年南巡狩崩於蒼梧之野葬於江南九疑是為零陵

神留下土

詩萬教下土方

翠華不返

司馬相如上林賦建翠華之旗

積怨望於

他年大麓不迷

書納于大麓烈風雷雨弗迷

烜威靈於終古

屈原九歌長無

絕兮終古比憂嘉種

詩誕降嘉種

少冒愆陽

左傳冬無愆陽夏無伏陰

抗簡陳

詞離騷晚敷祀以陳辭兮

潔樽引咎

左傳臧孫命北面重席新樽絜之

果蒙憑離

掣電跨吳揚風

易離為電共為風

布沾渥於九臯

詩既優既漑既沾既足又

鶴鳴于九臯

起焦枯於一瞬

淮南子十日並出草木焦枯

敢布瑤席

屈原九歌

瑤席兮玉瑱

輒事蘭羞

九歌蕙肴蒸兮蘭藉

帝其罷奏南琴

見為榮陽公表

停



吹西瑄

舜時西王母獻白玉瑄故謂之西瑄詳見前

使東皇太乙

九歌東皇太乙注太

乙神名祠在楚東以配東帝故云東皇

兼預於靈遊

漢郊祀歌九重開靈之符

俾山鬼

江婁

九歌山鬼注家語木石之怪夔罔兩豈謂此耶吳都賦江妃于是往來婁即妃字

無藏於

沴氣

後漢五行志說云氣之相傷謂之沴

庶將善政以奉明輝

賽越王神文

漢兩粵傳秦二世時南海尉任囂病且死召龍川令趙佗行南海尉事囂

死佗即聚兵自守秦已滅佗即擊并桂林象郡自立為南粵武王

年月日賽於越王之神惟靈輝

一作

焯殊姿抑揚奇表

見瑞秦魚既爛

公羊傳梁亡自亡也魚爛而亡

則聊帝

南荒

漢兩粵傳高后時南粵王趙佗自尊號為南武帝按尉佗稱帝在高后時此以為秦漢之際小誤

漢鹿有歸

漢蒯通傳秦失其鹿天下共逐之

則稱臣北闕

漢高帝紀七年蕭何治未

央宮止東闕北闕十一年立南海尉它為南粵王使陸賈即投璽綬它稽首稱臣

覽英雄之載

籍史記伯夷傳夫籍學者載籍極博

信王霸之朋遊言念遺祠猶存屬一作

鹿邑尚興甘雨以救公田

詩以祈甘雨又雨我公田

敢陳沼澗之毛

左傳澗谿沼沚之毛可薦於鬼神

用報京城之積

詩曾孫之庾如坻如京

神其永

司茲土長庇吾人福佑柔良

揚雄長楊賦受神人之福佑

驅除疫一作

疾癘史記適足以資賢者為驅除難耳馬融廣成頌今

來古往

潘岳西征賦古往今來邈矣悠哉

常教威著越城

元和郡縣志故越城在桂

州全義縣西南五十里漢高后時遣周窳擊南越趙佗踞險為城窳不能踰嶺即此按全義今為興安縣在桂林府東北一

百五十里

萬歲千秋勿使魂歸真定

漢兩粵傳南粵王趙佗真定人

也文帝元年為佗親冢在真定置守邑歲時奉祀

神乎不昧來鑒斯言

為中丞滎陽公桂州賽城隍神文

惟大中元年歲次丁卯六月甲午朔十四日丁未都防

禦觀察處置等使桂州刺史兼御史中丞鄭某謹遣登

仕郎守功曹參軍陸佚

一作秩

以庶羞之奠祭於城隍之

神夫大邑聚人通都設屏將英

其作此按此字當行

雄走集

左傳險其

走集注走集邊竟之壘辟音壁

必假高深不惟倚仗風雲兼用翕張

神鬼其初蒙朝獎來佩藩符既禦寇於西原

易不利為寇利禦寇

亦觀風於南國

禮記太史陳詩以觀民風

始維畫鷁將下伏熊

並見前

屬楚雨蔽空湘雲塞望晦我中軍之鼓

左傳殖綽郭最皆衿甲面縛坐

于中軍之鼓下有齋語有園子之鼓有高子之鼓有中軍之鼓

濕子下瀨之師

漢武帝紀元鼎

五年甲為下瀨將軍下蒼梧臣瓚曰瀨湍也吳越謂之瀨中國謂之磧伍子胥書有下瀨船

遂以誠

祈果蒙神應速如激矢

見為張周封啓

勢等却河

見為榮陽公表

及茲

報薦之期敢怠馨香之禮神其干霄作峻

蜀都賦干霄而秀出

習坎為防

易習坎王公設險以守其國

合烽櫓以保民

漢賈誼傳注文穎曰邊方

備胡寇作高土櫓櫓上作桔臯頭兜零以薪草置其中有寇即火燃舉之以相告曰烽陸機洛陽記洛陽

城周公所制城上百步有一樓櫓外有溝渠劉熙釋名櫓露也露上無覆屋也

藻川塗而流惡

周禮大川之上必有涂焉左傳韓獻子曰有汾澮以流其惡

使言言堅壘

一作壁詩崇墉言言

侔地道以無疆

易安貞之吉應地無疆

活活深溝

詩河水洋洋北流活活

如

井德之不改

易改邑不改井

勿違丘禱

見論語

以作神羞

書無作神羞

尚享

賽靈川縣城隍神文

新書地理志桂州靈川縣龍朔二年析始安置在今桂林

府北五

十里

年月日賽於靈川縣城隍之神高壘深溝

左傳史駢曰秦不能支請

深壘固軍以待之

用資固護

蕪城賦觀基局之固護

興雲滌雨

張衡南都賦朝雲不

興而潢潦獨臻魏都賦蓄為屯雲滌為行雨

諒俟威靈惟神能感至誠將成

大稔

左傳不可以五稔注稔熟也

逐清泠之耕父不使揚光

東京賦因耕父

于清泠南都賦耕父揚光於清泠之淵注有神耕父處豐山常游清泠之淵見山海經

迴沮澤之

蟠龍皆令灑潤

蜀都賦潛龍蟠於沮澤應鳴鼓而興雨

式陳微報願鑒惟

馨

賽荔浦縣城隍神文

新書地理志桂州有荔浦縣在今平樂府西七十五里

年月日賽於荔浦縣城隍之神嗟我疲民每虞艱食寒

耕熟耨始望於秋成

爾雅秋為收成

鑠石流金

淮南子大熱鑠石流金火弗為

益其烈

幾傷於歲事

禮記王制曰休老勞農成歲事

遠資靈顧式布層陰

江淹詩日落長沙渚層陰萬里生

無煩管輅之占不待藥巴之喫

神仙傳藥

巴為尚書正朝大會巴獨後到又飲酒西南喫之曰臣本縣成都市失火臣故因酒為雨以滅火詔即驛問果

如巴言

竊陳薄奠用答豐年神其據有高深主張生植同

功田祖

詩田祖有神秉畀炎火

比義

一作議非

雨師

廣雅雨師屏醫

無假怒於

潛龍

易潛龍勿用

勿縱威於虐慙守茲縣邑富我京坻

賽永福縣城隍神文

新著地理志桂州永福縣武德四年析始安置在今桂林

府永寧州東南八十里

年月日賽於永福縣城隍之神夫考室立家

詩序斯干宣王考室

也左傳師服曰天子建國諸侯立家

先立戶竈

禮記王為羣姓立七祀曰司命曰中雷曰國門曰國

行曰泰厲曰戶曰竈又庶士庶人立一祀或立戶或立竈

聚人開邑首起城池

易何

財人曰

固有明靈降而鑒治惟神克揚嘉靈廣育黎民聊



為一作薦茨梁詩曾孫之稼如茨如梁

少申肴醞神其節宣四氣扶

佑三時勿使畢星但稱於好雨

書星有好風星有好雨注好風者箕星好雨者

畢星無令田祖獨擅於有神永歆蘋藻之誠長挾金湯之

勢

### 賽城隍神文

年月日賽於城隍之神惟神據雉堞以為雄導溝池而

作潤果成飄注以救悞焚敢悞斯牲詩廉受斯牲用報嘉種

神其永通靈感長懋玄功晉劉弘等傳論曰輔相玄功導楚子之餘

波

左傳晉公子對楚子曰其波及晉國者君之餘也

霑晉國之膏雨

左傳季武子曰小國

之仰大國也如百穀之仰膏雨焉

苟能不昧報亦隨之

賽北源神文

北源者湘灘二水之源也漢地理志零陵縣陽海山湘水所出北至鄱入

江水經注湘水出始安陽海山湘灘同源分為二水南為灘水北則湘川元和郡縣志湘水出全義縣東南八十里陽湖山下按陽湖即陽海也在今興安縣東南九十里全義直桂之北故

號為北源

年月日賽於北源之神惟神雖臨南服實號北源湘浦

降神近驚於騷客

九歌湘夫人帝子降兮北渚

漉池浸稻遠協於詩

人詩池北流

果能橐籥風頭

老子天地之間其猶橐籥乎

索綯雨

脚詩宵爾

不資畎澮

書禹曰澮澮巨川

將致倉箱

見為汝尚公表

聊申

信於澗毛庶通靈於水府神其抑揚蘭佩麾掉桂旗拍

川后之肩

郭璞遊仙詩左挹浮丘袖右拍洪崖肩曹植洛神賦川后靜波川后河伯也

攬波

神之袂

神當作臣莊子予東海之波臣也

共來於此饗報留思

賽曾山蘓山神文

廣西通志蘓山在平樂府賀縣北高數百丈宋皇祐間知縣狄

遵誨討寇於縣北十里山下夢蘓武神因禱焉師捷請于朝即建廟祀武因名前有一石壁水

從上滴下過早則禱雨於此又縣西十里高千餘大舊山舊通志瑞雲山在賀縣西十里高千餘大舊

欽定四庫全書

李茂山文集卷註

十一

名幽山唐李刺史郤更名曰丹甌宋守郤壁以此山多雲氣改今名上有泉注於池名曰仙池

今按唐時已有蘓山則必非因皇祐建廟而得名曾山疑即甌山以甌為曾蓋傳寫之誤甌山

有仙池蘓山有石壁水皆禱雨之所故文引湫泉仙室以為喻

年月日賽於曾山蘓山之神惟神守在出雲

禮記天降時雨山川

出雲職惟通氣

易山澤通氣

果從望歲

左傳國人望君如望歲焉

載潤嘉生

漢郊祀志故神降之嘉生應劭曰嘉穀也

將申昭報之儀敢闕馨香之獻神

其遐瞻惟岳廣納遊塵免揚少女之風勤咏曾孫之稼

無今渥澤盡歸涇水之湫泉

漢郊祀志湫淵祠朝那蘓林曰秋淵在安定朝那縣

方四十里停水不流師古曰此水今在涇州界清激可  
愛不容穢濁或諠汚輒興雲雨土俗亢旱每于此求之

太平廣記靈應傳云涇州之東二十里有故薛舉城城  
之陽有美女秋廣衰數里其水湛然碧莫有測其深淺

者鄉人立祠於旁曰九娘子  
神歲之水旱後禱皆得啟請勿使威靈不一作及歷山  
下誤

### 之仙室

未詳王融序紀言事于仙室按水經注灤水出歷  
城縣故城西南泉源上奮水涌若輪俗謂之城

英水以泉源有舜妃城英廟故也城南對山山上有舜  
祠山下有大穴謂之舜井書舜耕歷山亦云在此或曰

仙室二字誤御覽引列仙傳云  
歷陽有彭祖仙窟請雨輒得  
**我辭有激神倘聽焉**

### 賽白石神文

靈川縣志白石湫在縣南三十五里  
李商隱詩龍移白石湫即此亦曰白

石潭白石滌灑江自白石而下深潭廣浸與湘  
江埒潭上有白石鎮明一統志白石湫在府城

北七  
里

年月日賽於白石之神惟神載烜明靈克標懿號軒珠

耀彩

莊子黃帝遊于赤水之北登於崑崙之丘而南望還歸遺其玄珠于赤水

尚非瑤

玨作

水之源荆璞流輝

並見

即是玉山之路

山海經玉山是西王母所居注

山多玉石

昨者俯憂旱歲俾禱遺祠果能愛我大田貺余膏

澤不俟于公之折獄

漢書東海有孝婦養姑甚謹姑欲嫁之終不肯其後姑自經死姑女

告吏孝婦自誣服于公以為此婦以孝聞必不殺也太守竟論殺孝婦郡中枯旱三年後太守至于公曰孝婦

不當死前太守強斷之各黨在無煩洛令之曝身

水經注長

沙耆舊傳云祝良字右卿為洛陽令歲時亢旱天子祈  
雨不得良乃曝身階庭告誠引罪自晨至午紫雲沓起  
甘雨登降人為歌曰天久不雨燕人失所  
天王自出祝令持苦精符感應涉沓下雨  
敢命子男爰

修蘋藻神其仰濟

一作流

天澤俯佑歲功無萌可轉之心

詩我心匪石不可轉也

以負惟馨之禮

周書黍稷非馨明德惟馨

尚饗

賽龍蟠山神文

明一統志龍蟠山在興安縣東十五里山下有石洞洞門數重遊者

東燭而入水中魚四足而有角人不敢傷恐致風雨

年月日賽於龍蟠山之神惟神降治山川流

一作濟非

恩縣

道龍蟠鳳蓋克懋於靈司蟻穴鶴巢

詩鶴鳴于垤巢穴見代僕射表

欽定四庫全書

李義山文集箋註

十三

式揚於利澤至誠有達昭報無虧神其

一作威

叱咤飛廉

漢書韓信曰項王暗啞叱咤千  
人皆廢呂氏春秋風師曰飛廉

鞭驅屏翳

三齊畧記始皇作石橋欲

過海者日出處有神人驅石下海  
石去不速神輒鞭之屏翳見上文

尚

一作向

令吾土屢有

豐年

詩綏萬邦  
屢豐年

不無行潦之羞以謝油雲之會

左傳漢  
汙行潦

之水可薦於鬼神可羞於王公封禪文自  
我天覆雲之油油甘露時雨厥壤可游

襄陽朔縣名山文

元和郡縣志陽朔縣北至桂州  
一百四十里開皇十年置取陽

朔山為名山今在縣北門外本名陽海山亦名  
零陵山相近有龍頭山白鶴山西人山威南山

蓋山蓋皆陽  
朔之支峯也





物為神仙之下府開龍虎之殊

一作神非

庭

漢郊祀志望祀蓬萊之屬幾至

殊庭焉師古曰蓬萊中仙人庭也

屬歲不寧旱既太甚驅誠疊嶂託意

通波

浴神賦託微波而通辭

果聞雷出地中

易雷出地奮豫

電流

一作非

下既茲霑足

並見

敢薦香

集作馨

芬願終如響之靈

易其受命

也如

無怠

一作

孔明之鑒

詩祀事孔明

尚饗

賽海陽神文

海陽即陽海太平寰宇記陽海山在郡北一百七十里屬興安縣其山在

零陵縣西南迤邐岡巒連亘不絕明一統志海陽山在興安縣南九十里舊名陽海山相瀨二

水所自出山下有巖幽深行數百丈至水泉處澗不盈尺其深叵測

年月日賽於海陽之神頃傷多稼將困驕陽未聞

一作逢

玉女之披衣

見上文

空見土龍之矯首

魏應城與廣川長奉文瑜書土龍矯

首於玄寺注淮南子土龍以祈雨

式祈嘉靈果降明輝神其享彼蘭羞

挹茲桂酒

屈原九歌奠桂酒兮椒漿

輔成於多黍多稌

詩豐年多黍多稌助

施一作詞

於好風好雨

見上文

庶厲業官以酬玄澤

賽堯山廟文

輿地紀勝引寰宇記堯山在靜江府城東北四十里圖經云堯山在水東

明一統志按史傳堯封履不到蒼梧以西與舜山相對人慕堯舜之風因名堯祠宋張栻重修

有記刻於石又龍池在堯山鄉民禱雨屢應歲久湮塞宋經略張維重浚以石甃之

年月日賽於堯山之廟伏以帝巡遐徼天作高山詩天作高

山太王荒之

既比敬於軒臺

見為尚書狀

亦分功於農井

見祭品商州文

是留遺廟以慰斯民昨者時雨忽愆秋陽稍亢永言嘉

靈實自玄恩大驅

蟠澤之龍

見上文

盡發潛泉之蛭

一作介非

淮南子黑蜮黑蛇也潛於神泉能致雲雨

倉箱興詠將慶於農夫

詩農夫之慶

灌

漫呈功不愆於豎

集作北

子

史記龐涓曰遂成豎子之名

敢茲昭報奠

降明靈

賽古攬神文

古攬蓋橄攬樹之最大者王存九域志靜江府理定縣有橄攬山嶺表錄

異云橄欖樹身聳拔皆高數丈其子深秋方熟  
有野生者子繁樹岐不可梯緣但刻其根下方  
寸許納鹽於其中一夕子皆自落按趙璘因話  
錄南人長林中大樹謂之有神豈以古攬歷年

既久神所憑  
依故賽之邪

年月日賽於古攬之神惟神爰因碩果

易碩果不食

遂啓靈

祠瓜美郡平且傳舊志

漢蕭何傳郡平秦東陵使秦破  
為布衣種瓜長安城東瓜美故

世謂東陵瓜  
自郡平始也

李標朱仲亦茂前經

渚岳開居賦房陵朱  
仲之李善曰王逸荔

枝賦云房陵縹李傳玄李賦乃有河沂黃建房陵縹青  
一樹三色異味殊名任妨述異記房陵定山有朱仲李

園三十六所李尤果賦  
三十六園朱李是也

昨者瘴暑為災油雲不起式存

心禱慮作神羞神能感氣蛟泉傳祥鸛垤使宋生抒賦

始悅於雄風高氏讀書忽驚於暴雨並見前化太甚旱為

大有年春秋宣公十有六年冬大有年將見助於歡康敢忘懷於昭賽

祭蘭麻神文廣西舊通志蘭麻山在桂林府永福縣西南四十里唐桂帥遇旱禱此其

流為下瀉水又有水皮江遶山入大江

年月日賽於蘭麻之神頃者杲日揚威融風扇暴呂氏春秋

更北曰融風禾乃盡偃善天大雷電以風禾盡偃人何以堪晉桓温傳樹猶如此人何

以堪神能倏忽應時屈原九歌陰而遂巡布潤見上文雲旗

直隸

九歌乘迴風  
今戴雲旗

不資秦地之決渠

漢溝洫志趙中大  
夫白公秦穿渠引

涇水注渭溉田名曰白渠民歌曰田於何所池陽  
谷口鄭國在前白渠起後舉甬為雲決渠為雨

雨陣

斜飛更甚成都之救火

見上

永懷靈祐敢薦嘉肴神其

與蕙同芳

宋玉九辨以為君獨服此  
蕙兮羌無以異於衆芳

為蓬扶直

荀子蓬  
生麻中

不扶  
白直 勿

一作  
荷 虛嘉號以累豐年

祭全義縣伏波神文

新書地理志桂州全義縣本  
臨源武德四年祈始安置大

歷三年更名後漢馬援傳援字文淵扶風茂陵  
人建武十七年置書拜援伏波將軍南擊交趾

二十四年遣援征五溪蠻明年三月迫營壺頭  
援中病而卒桂林府志伏波山在城中府治東

北明一統志伏波山又名伏波巖突起千尺與獨秀山相望下有伏波廟祀漢馬援東封忠顯佑順靈濟王按壺頭山在今湖廣辰州府沅陵縣東去全義尚千里伏波所不到俗慕賢者之名故取以名其山因立廟以祀之云

年月日觀察處置使兼御史中丞鄭某謹遣全義縣令韋必復以酒牢之奠昭賽於漢伏波將軍新息侯馬公

越城舊疆漢將遺廟一派湘水萬重楚山比潁川袁氏

之臺悲同異日

水經注汝水枝津世謂之大聽水東南逕召陵縣故城南又東逕公路臺臺臨

水方百步表術所築也又東歷汝陰縣故城西北東入潁水

方汝水周公之渡感極



當時

水經注汝水自成安縣故城北又東為周公渡橋

帝元鼎四年封姬嘉為周子南君再傳以罪棄市其弟延年紹封初元五年更封為周承休侯

嗚呼昔

也投隙建功

後漢公孫述傳論曰不因時立志馬援傳

賓客曰丈夫為志窮當益堅老當益壯

隗將軍坐談西伯棄去無歸後漢

傳季父崔聞更始立而莽兵連敗謀起兵應漢成謂素有名遂共推為上將軍論曰若芻命會符運敵非天

力雖坐談西伯豈多嗤乎馬援傳芻遣長子恂入質援因將家屬隨恂入洛陽

姬雖來不起

馬援傳援嘗有疾梁松來候之獨拜牀下援不答諸子問曰梁伯孫帝婿大人奈何

獨不為禮援曰戎乃松父以若畫之矚宇馬援傳援為

友也雖貴何得失其序乎

欽定四庫全書

李義山文集卷註

十八

目如 **開聚米之山川** 馬援傳帝自西征 覽至漆援因說

山谷指畫形勢開示衆軍所 **扶風里中詎守錢而為虜**

從道徑往來分折曲折昭然 馬援傳轉游隴漢問因處田牧至有牛馬羊數千頭穀

數萬斛既而歎曰凡殖貨財產貴其能施賑也否則守 **德陽殿下寧相馬以推工** 馬

錢虜耳 乃盡散以班昆弟 **德陽殿下寧相馬以推工** 馬

故舊 按援扶風茂陵人 **德陽殿下寧相馬以推工** 馬

傳援善別名馬於交趾得賂越銅鼓乃鑄為馬式還上 **悵望關西趨馳隴右**

之馬高三尺五寸圍四尺四寸有詔置於宣德殿下按 德陽殿下義山本此不可謂誤 **悵望關西趨馳隴右**

藝文類聚引東觀漢記云詔置馬 **悵望關西趨馳隴右**

馬援傳來歙奏言隴西侵殘非馬援莫能定十一年夏 **悵望關西趨馳隴右**

璽書拜援隴西太守便大中大夫來歙持節送援西歸 **悵望關西趨馳隴右**

隴 **事嫂冠戴** 馬援傳敬事寡 **誠姪書成** 馬援傳兄子嚴

石 **事嫂冠戴** 嫂不冠不入盧 **誠姪書成** 救並嘉譏議而

通輕俠客援在龍伯高之故人出言有所馬援傳誠兄

高敦厚周慎口無擇言謙約節儉燕公孫述之刺客相

待何輕馬援傳葛使援奉書洛陽引見於宣德殿援曰

後進臣臣今遠來陸下何知知鶯泊啓行馬援傳謂官

非刺客森人而簡易若是是鶯泊啓行馬援傳謂官

泊西里間仰視飛巖溪請往馬援傳武威將軍劉尚擊

援因復請行銅留鑄柱廣州記馬援討平交趾於嶠

尸男兒已立邊功壯士猶羞病死馬援傳謂孟冀曰

以馬革裹尸還葬耳何能卧床上在兒灘湘之許祠宇

女子手中邪冀曰諒為烈士當如此矣

欽定四庫全書

依然

水經注離水與湘水出一山而分源也湘灘之間陸地廣百餘步謂之始安嶠節越城嶠也柳開湘

灘二水說二水本一水也自海陽山西北流至縣東五里分水嶺上始分為南北二水蓋昔人以二水相離故

命之曰相曰離後人又加水云

豈獨文宣之陵不生刺草

水經注魯縣泗水南有夫

子冢皇覽曰弟子各以四方奇木來植故多諸異樹不生棘木刺草

更若武侯之壠仍有

深松

蜀諸葛亮傅亮遺命葬漢中定軍山因山為墳冢足容棺景耀六年魏鎮西將軍鍾會征蜀至漢川

令軍士不得於亮墓所左右芻牧樵採水經注沔陽故城南臨漢水對定軍山諸葛亮之死也遺令葬於其山

因即地勢不起墳壘唯深松茂柏攢蔚川阜莫如墓塋所在

向我來思停車展敬一

樽有奠

一作典誤

五馬忘歸及申望歲之祈又辱有秋之澤

書若農服田力  
穡乃亦有秋

雲興柱礎

淮南子山雲  
蒸柱礎潤

電繞牆藩

見為李貽

孫啓何煩玉女之投壺方聞天笑

神異經東王公與玉女  
投壺臬而脫誤不接者

天為之笑開口  
流光今電是也

不待樵人之取箭已見風迴

孔靈符會稽  
記射的

山南有白鶴山此鶴為仙人取箭漢太尉鄭弘常採薪  
得一箭頃有神人至問何所欲曰常苦若耶溪載薪為

難願旦南風暮  
北風後果然

敢忘黍稷之馨用報京坻之賜屬以時

非行縣不獲躬詣靈壇

應璩書躬自暴  
露拜起靈壇

詞託煙波意傳

天壤既謝三時之澤兼論千載之交勿負至誠以孤玄

契

檄

為濮陽公檄劉稹文

集作書是

足下前以肺肝布諸簡素仰承復命猶事枝辭

易中心疑者其

辨技

夫豈告者之不忠抑乃聰之而未審擇福莫若重擇

禍莫若輕一去不迴者良時一失不復者機事噫嘻執

事誰與為謀延首北風

阮籍正欲賦佇延首以極視

心焉如灼是以

再陳禍福用釋危疑言不避煩理在易了丁寧懇款至

於再三者誠以某與先太師相國俱沐天光並為蕃后

陸機詩發  
跡翼藩后

昔云與國今則親鄰而大年不登

見代安  
平公表同

盟未至

見為尚  
書狀

飯貝纚畢襚衣莫陳

並見  
表

乃睽後生遽

垂先訓遷延朝命

宋玉筮徒子好色  
賦因遷延而辭避

迷失臣職不思先

穀之忠

左傳晉人討泌之敗與清之師歸罪於先穀而  
殺之盡滅其族按先穀違命喪師不可謂忠疑

軫免胄入狄師死焉狄人歸其元面如生

當作先軫左傳僖三十三年狄伐晉及箕先

將覆藥書

之族

左傳晉人克欒盈于曲沃蓋  
殺欒氏之族黨欒魴出奔宋

此僕隸之所共惜

一作

兒女之所同悲況某擁節臨戎援

一作  
拔非

旗誓衆

後漢  
隗囂

援旗亂族

封疆甚逼

音音猶存忍欲賣之以為已功間之

欽定四庫全書

李義山文集箋註

五

以開戎役將祛未寤欲罷不能願思苦口之言

漢張良傳良曰忠言逆耳

利於行毒藥苦口利於病

以定東身之計

晉王坦之傳坦之以為悵東身自歸而法外加罪

昔先太尉相公常蹈亂邦不從逆命翻身歸國全家受

封居韓之西為國之屏棄代之際人情帖然

北史尉元傳東南清

晏遠近帖然

箋舊書劉悟傳憲宗下誅李師道師道

遣悟拒戰悟召諸將謀曰天子所誅者司空一人而已悟與公等皆為所驅迫何如轉危亡為富貴于是擒師道以獻擢拜悟義成軍節度使封彭城郡王卒贈太尉

太師相公

一作國

以早副軍牙久從征旆事君之節已著

居喪之禮又彰故乃

一作前

獎其象賢

見為懷州表

仍以舊服



箋悟遺表請以其子從諫繼續戎事  
敬宗寶歷二年充昭義節度等使  
納職貢賦五十餘

年於我唐為忠臣於劉氏為孝子人之不幸天亦難忱

書天難謀  
命靡常  
纔加壯室之年  
禮記三十  
奄有壞梁之歎  
禮記

孔子歌曰泰山其頽乎梁木其壞乎哲人其萎乎蓋寢  
疾七日而歿  
箋從諫進位檢校司徒會昌元年卒大

將郭誼等匿喪用  
其姪植權領軍務  
主上深固義烈是降優恩蓋將顯足

下之門為列藩之式不欲劉氏有自立之帥上黨為辜

恩一作姑息之軍  
李陵答蘇武書陵  
俾之還朝以聽復  
一作

命其義甚著其恩莫階昨者秘不發喪已踰一月安而

拒詔又歷數旬秘喪則於孝子未聞拒詔則於忠臣已  
失失忠於國失孝於家望此用人由茲保族是亦坐薪

言秦

漢賈誼傳疏曰抱火厝之積薪之下而寢其上火未反燃因謂之安

巢幕云安

見上尚書

啓智士之所寒心

史記刺客傳鞠武曰以秦王之暴而積怒於燕足為寒心索隱凡人寒甚

則心戰恐懼亦戰今以懼警寒言可為心戰

謀夫之所齟舌

漢田蚡傳韓安國謂蚡曰魏其

必媿杜門齟舌自殺注師古曰齟齬也音仕客反按齟說文本作齟重文省作齟

矧於僕者得

不動心竊計足下之懷執事之論當以趙氏傅子魏氏

龍襄侯

舊書田承嗣傳王武俊稱趙王又新書藩鎮傳論曰成德更二姓傳五世至王承元入朝明年王庭

奏反傳六世有州四魏博傳五世至田弘  
正入朝十年復亂更四姓傳十世有州七欲以逡巡希

恩顧望謀立耳夫事殊者趨異勢別者跡睽故度其始  
而議其終奪其華而尋其實願為足下一一而陳之趙  
魏二侯於其先也親則父子於其人也職則副戎賞罰  
得以相參恩威得以相抗朝廷推而與之今足下之於  
太師也地則相近職非副戎賞罰未嘗相參恩威未嘗  
相抗秘喪則於義爽拒詔則於事乖比趙魏二侯信事  
殊而勢別矣此施之於太師趙魏則為繼代象賢之美

施之於足下足下則為自立擅命之尤得失之間其理

甚白又計足下未必不恃太師之好賢下士重義輕財

吳國之錢往往而有漢吳王濞傳吳有豫章郡銅山即招致天下亡命者溢鑄錢梁

園之客比比而來漢梁孝王傳孝王築東苑方三百餘里廣睢陽城七十里招延四方豪傑

自山東遊士莫不至將倚以為牆藩託以為羽翼使之謀取使以

數求細而思之此又非計山高則羝當作祈羊自至泉深

則沈玉自來管子山高而不崩則祈羊至矣淵深而不涸則沈玉極矣已立然後人

歸身正然後士附語有之曰政亂則勇者不為關德薄

則賢者不為謀故吳淠有姦而鄒陽去

漢鄒陽傳云陽與嚴忌枚乘俱

事吳吳王陰有邪謀陽奏書諫吳王不納其言于是鄒陽枚乘嚴忌皆去之梁從孝王游

燕惠無德

而樂生奔

戰國策惠王即位用齊人反間疑樂毅而使騎劫代之將樂毅奔趙趙封以為望諸君

晉寵大夫辛成分國之禍

漢劉向傳昔晉有六卿世執朝柄終後六卿分晉 衛

多君子

左傳吳公子札適衛曰衛多君子未有患也

孰救渡河之哉

左傳狄人伐衛

衛懿公夜與國人出狄入衛遂從之又敗諸河

此之前車得不深鏡

晏子春秋諺曰前車

覆後

代憲四祖文明繼興當時燕趙中山淮陽齊魯

箋

書藩鎮傳論曰趙魏燕齊同日而起梁蔡吳蜀躡而和之其餘混頑軒囂欲相效者往往而是

連結者

幾姓

南史魯悉連傳  
王琳連結于齊

旅拒者幾侯

後漢馬援傳援  
曰黠羌欲旅距

咸逆

天用人背惠忘德據指掌之地

後漢岑彭傳辛臣諫曰  
戎曰洛陽地如掌耳

謂可逃刑

左傳有罪  
不逃刑

倚親戚之私

左傳親  
戚為戮

謂能取信一

旦地空家破首裂支分闇者不能為謀明者固以先去

悔而莫及末如之何先太尉與李洧尚書

箋舊書李納  
傳納從叔父

洧以徐州歸順納以彭城險阨又怒洧背宗乃悉兵圍  
之旋加洧檢校戶部尚書納卒子師道迥相襲職詳上

文齊之密戚

齊謂李  
師道

楊太保與蘇肇給事

箋舊書吳元  
濟傳元濟少

陽長子也先是少陽判官蘇兆楊元卿及其將侯惟清  
常同為少陽畫朝覲計及元濟自領軍素不便兆繼殺

之朝廷贈蘇兆以右僕射揚元卿先奏事在京師得盡  
言經畧淮西事於宰相李吉甫楊元卿傳元卿每與少  
陽言詢以大義乃為凶黨所搆賴節度判官蘓肇保持  
故免元卿潛奉朝廷元濟繼立元卿即日離蔡元卿妻  
陳氏并四男並為元濟所殺同巧一  
射塚蘇肇以保持元卿亦同日遇害

蔡之懿親

蔡謂吳元濟

並據要地方州領精甲銳卒及其王師戾

集作泣非

止我武

維揚則割地驅人以降送款輸忠以入非不顧密戚非

不念懿親非不思恩非不懷惠直以逆順是逼死生實

難能與其同休不能與其共戚故也況足下大未侔齊

蔡久未及李吳將以其人動於不義僕固恐夙沙之國

縛主之卒重生

見為李彭

寵之家不義之侯更出

後漢彭寵

傅寵發兵反建武五年春寵獨齊在便室蒼頭子密等斬寵詣闕封不義侯

又計足下當恃

太行九折之險部內數州之饒

見為河南表

兵士尚強倉儲

且足謂得支久謀而使安危哉此心自棄何速昔李抱

真相國用彼州之人破朱滔於燕國困田悅於魏郊連

兵轉戰離歲經時而潞人夫死不敢歿子死不敢悲何

者李相國奉討逆之命為勤王之師義著而誠順故也

葦藋善李抱真相德宗即位兼潞州長史昭義軍節度度支營田澤潞磁邢洺觀察使建中三年田悅以魏博



反抱真與河東節度使馬燧屢敗悅兵時悅窘蹙未滔  
王武俊皆反連兵救悅抱真外抗羣賊內輯軍士時朱  
滔悉幽薊軍應泚抱真以大義說武俊合從擊  
滔大破滔於經城以功加檢校司空卒贈太保及盧

從史釋喪就位賣降冀功將乘討伐之時欲肆凶邪之

性計未就而人神已怒事未立而兵衆已離以萬夫之

長困一卒之手驅檻北闕棄尸南荒而潞之人猶老者

捫

漢書注師古曰捫摸也音門

少者扼腕

史記刺客傳樊於期偏袒搯腕而進索隱曰掌

後曰腕男者奮厲必先以左手扼右腕也搯與扼同

謂朝廷不即顯戮深為失刑

其故何哉以從史不義不暱

左傳公曰不義不暱厚將崩

去安就危

衆黜其謀下不為用故也

箋舊書盧從史傳德宗中歲從史得授昭義軍節度使丁

父憂朝旨未議起復屬王士真卒從史竊獻誅承宗計以希上意用是起救及詔下討賊陰與承宗通謀且誣

秦諸軍與賊通上深患之護軍吐突承雅俟其來博幕下伏壯士縛之內車中馳以赴闕敗驩州司馬子繼宗

等四人並 二帥去就非因傳聞鳩杖之人

後漢禮儀志八十九十禮

有加賜玉杖端以鳩為飾鳩者不噎之鳥也欲老人不噎 鮎背之叟

詩黃者台背箋台之言鮎也大

老則背有鮎文釋文台湯來反徐又音臺爾雅云壽也鮎易來反魚名一音夷疏釋詁云鮎背者老壽人也舍

人曰老人氣衰皮膚消瘠背若鮎魚也

知其本末尚能言之則太行之險

固不為渤

疑作

者之守數州之衆固不為邪者之徒此

又其不足恃也由此言之則以何名

四字一作則何以敗名譽

隳家

聲

司馬遷書李陵既生降顏其家聲

何事捨君命何道求死士何計得

一作

人心此僕者所以對案忘餐推枕不寢為足下惜

為足下危而不知其所以然也況太師比者養牛添卒

畜馬訓兵旁招武幹之材中舉將軍之令然而聽於遠

近頗有是非雖朝廷推赤心

後漢光武紀降者更相語曰蕭王推赤心置人腹中

安得不投死乎

弘大度

漢高帝紀常有大大度

然而不逞者已有乖異

集作異圖

之說橫議者屢興悖惡之數人之多言亦可畏也誰為

來者宜其弭之今足下背季父引進之恩失大朝文誥

之令

周語祭公謀父曰有文告之辭

則是實先太師之浮議彰昭義軍

之有謀為人姪則致叔父於不忠為人孫則敗乃祖於無後亦何以對燕趙之士見齊魯之人耶又計足下旬日之前造次為慮今茲追改懼有後艱此左右者不明

而咨詢之未盡也近者李尚書祐董常侍重質之輩並

親為賊將拒我官軍納質於匪人

易比之匪人

效用於戎首

禮記子思曰母為戎首

久乃來復

易七日來復

尚蒙殊恩

滿岳馬沂督謀明明天子

旌以

旆恩 皆受郡符咸領旗鼓

箋稽書李祐本蔡州牙將事吳元濟自王師討淮西祐為

行營將為李愬所擒竟以祐破蔡擒元濟以功授神武將軍太和初遷檢校戶部尚書滄州刺史滄德景節度

使董重質本淮西牙將吳少誠之子壻也元濟悉發左右及守城之卒委重質拒裴度李愬既擒元濟重質單

騎歸愬尋授鹽州刺史又遭左右神策及諸道劍南西川行營節度使檢校左散騎常侍不能悉數

厥徒實繁

書實繁有徒

豈有足下藉兩代之餘資委數萬之

舊旅俛首聽命舉宗效誠則朝廷又豈以一日之稽遲

片辭之疑異而致足下於不測沮足下於後至故事具

存可以明驗幸請自求多福無辱前人護龍旒以歸洛

師

禮記飾棺君龍帷書朝至于洛師注洛師猶言京師

秉象笏而朝魏闕

禮記笏天子以

球玉諸侯以象大夫以魚鬚文竹士竹本象飾可也

必當勲庸繼代富貴通身無

為鄰道所資使作他人之福儻尚淹歸欵未整來軒戎

臣鼓勇以爭先天子赫斯而降怒金玦一受

左傳晉侯使太子申

生伐東山臯落氏衣之偏衣珮之金玦

牙璋四馳

周禮牙璋以起軍旅

魏衛歷其東

南晉趙出其西北

見為河表

拔距投石者數逾萬計

史記王翦

傳翦使人問軍中戲乎對曰方投石超距集解徐廣曰超一作拔索隱超距猶跳躍也漢甘延壽傳少為羽林投石拔距絕於等倫應劭曰投石以石投人也拔距即下超踰羽林亭樓是也張晏曰范蠡兵法飛石重十二

斤為機發行三百步延壽有科頭戟手者動以千羣為見

榮陽公表兼驅扼虎之材官漢李陵傳陵叩頭自請曰臣所將屯邊者皆荆楚勇士奇材劍

密也力扼虎射命中師古曰扼謂捉持之也高帝紀發巴蜀材官應劭曰材官有材力者張晏曰材官騎士習

射御騎蹴戰陳常以八月太守都尉令長丞會都試仍課殿最水處則習船邊郡將萬騎行障塞光武時省

率射鵬之都督北齊書斛律光雲表射鵬正中其頸感

義則日月能駐淮南子魯陽公與韓戰戰酣日暮援戈而麾之日為之反三舍拗憤則

砂石可吞西都賦乃拗怒而少息漢霍去病傳會日且入而大風起沙礫擊面龍魚河圖蚩尤食沙

使兵用火焚左傳衆仲對曰夫兵猶人也弗戢將自焚也城將水灌史記趙世家知

伯率韓魏攻晉陽歲餘引汾水灌其城城不浸者三版魏趙邢郡從諫妻弟裴問

守邢州有募兵五百號趙出洺州冀藩鎮傳王釗守夜飛將自歸成德軍

二大都之間是古平原之地車甲盡輸於此境糴糧反

聚於他人恃河北而河北無儲謂三鎮從命倚山東而

山東不守冀藩鎮傳天子慮積起山以數州之殘殍抗

百道之奇兵謂八鎮之師比累卵而未危說苑晉靈公造九重臺孫

息聞之求見曰臣能累十二博碁加九雞子其上公曰子作之孫息以碁子置下加九雞子其上公曰危哉

寄孤根於何所見代彭陽公表則老夫不佞亦有志焉願驅敢



死之徒以從諸侯之末

謂王元遠何弘敬劉沔

下飛狐之口

見為舍人

啓入天井之關

見代僕射表

巨浪難防長颶易扇此際必當

驚地底之鼓角駭樓上之梯衝

後漢書公孫瓚與子續書曰袁氏之攻狀若鬼

神鼓角鳴於地中梯衝舞吾城上

喪貝躋陵

貝躋于九陵易震來厲德喪

飛走之期

既絕見為李投戈

一非

散地

楊雄解嘲叔孫通解甲投戈作君臣之儀漢英布傳

兵法諸侯自戰其地為散地師古曰謂在其本地戀土懷安故易逸散散去聲

灰釘之望斯窮

魏略王凌自知罪重試索棺釘以觀太傅意太傅給之遂自殺徐陵書分請灰釘甘從斧鑊

自然麾

下平生

漢李廣傳得賞賜輒分其戲下戲讀曰麾

盡忘舊愛帳中親信

魏志許褚

傳徐他等謀為逆褚至下舍心動即還侍他等不知入帳見褚大驚愕褚即擊殺他等太祖益親信之

他謀辱先祖之神靈為明時之哂笑靜言其漸良以驚

魂今故再遣使車重申丹素惟鑒前代之成敗訪歷事

之賓僚思反道敗德之難

書蠶茲有苗反道敗德

念順令畏威之

易時以吉日蹈茲坦途勿餒劉氏之魂

左傳子文曰若敖氏之鬼不其

餒勿汙潞人之俗封帛增敬含毫益酸

陸機文賦或含毫而邈然延

望還章用以上表成敗之舉慎惟圖之不宜河陽三城

節度使王茂元頓首

箴

太倉箴

漢高帝紀七年蕭何治未央宮立太倉唐六典司農寺有太倉今掌九穀廩藏之事

唐會要太倉出納貞元五年俾司農少卿一人專領玉海李商隱有太倉箴注云太和七年十

月

險哉太倉險若太行

見為懷州表

彼懸車東馬

史記齊世家桓公西伐大

夏涉沆沙東馬懸車

為陟高岡

詩陟彼高岡

此禍胎怨府

乘

諫吳王書福生有基禍生有胎左傳叔孫昭子曰吾不為怨府

起自斗量

漢歷律志量者龠合升斗斛也

無小無大不可不防澄波萬頃不廢汪汪

見為柳

火烈

欽定四庫全書

李義山文集箋注

五

人畏

左傳子產謂子太叔曰唯有德者能以寬服民其次莫如猛夫火烈民望而畏之故鮮死焉水懦弱

多死而斲之則

不廢剛腸

嵇康絕交書剛腸疾惡

曷若寬猛處於中

央

左傳仲尼曰寬以濟猛以濟寬政是以和

泉穀之地

漢王陵傳陳平曰問錢穀責治粟內史

勿言容易

東方朔答客難談何容易

貪夫徇財

賈誼鵬鳥賦貪夫徇財兮烈士徇名

有

死無二

北史傅伏傳伏曰事君有死無二

御黠馬銜

家語善御馬者正銜勒

不得

不利下或諛吾過人之聰是人甘言將欲相聾

左傳幣重而言

甘誘我也史記商君傳趙良曰昔言藥也甘言疾也

下或誇我秋毫必賭

列子目將眇者

先睹秋毫慎子離朱之明察秋毫之末

是人甘言將欲相聾長如欲戰莫

捨強弩

蜀志強弩之末勢不能穿魯縞

長如護禽

護當作獲用趙簡子使王良與嬖奚乘事

見孟

莫忘縛虎

後漢呂布傳曹操笑曰縛虎不得不急

衆人之言有訛有

真如彼五味有甘有辛口自嘗取無信他人天生五色

有白有黑目自別取無為人惑而況乎九門崇崇

禮記季春

之月命國雘九門磔攘注天子九門者路應雉庫臯國近郊遠郊闕門也

近在牆東天視天

聰惟明惟聰問龠合斗斛何以用銅取寒暑暴露不改

其容亦象君子介然居中

漢律歷志凡律度量衡用銅者名自名也所以同天下齊

風俗也銅之為物至精不為燥濕寒暑變其節不為風雨暴露改其形介然有常似於士君子之行是以用銅

也終日戰慄猶懼或失

古逸詩唐堯戒曰戰戰慄慄日謹一日人莫蹟於山而蹟于

埤銜用何利鍛之以清虎用何縛按之以明弩用何射

發之以誠俾後來居上無由以生有餘不足無由以爭

心為準槩何憂乎不直不平

漢歷律志以井水準其槩孟康曰槩欲其直故以水

平之井水清清則平也

各敬爾職一廼心力

書爾尚一乃心力其克有勲

倉中

水外人馬勿食陶母反魚以之歎息

世說陶公少時作魚梁吏常以坩

餉母母封鮓付使反書責侃曰汝為吏以官物見餉非惟不益乃增吾憂也

宜無他粟宜無

他芻蕘以似珠不可不虞

後漢馬援傳初援在交阯常餌蕘以實用能輕身省欲以

勝瘴氣南方惹政實大軍還載之一車後有  
上書諧之者以為前所載還皆明珠文犀  
倉中役夫

左傳江芊怒  
曰呼役夫  
千逕萬塗桀黠為炭眊盱為鑪地為鑪分

造化為工陰陽為炭兮萬物為銅  
靈光殿賦洪荒朴畧厥狀眊盱善曰字林眊仰目也盱

張目也眊與眊通  
應事成象無有定一作摸緣私指使曲禮六

指慎勿以呼賓朋姻婭詩瑣瑣姻婭  
使則無或來讌話倉中酒

禮慎勿以費漢高帝紀常從王媪武  
負費酒師古曰費賒也  
海翁無機鷗故不

飛海翁易慮鷗乃飛去莊子海上有人好鷗鳥者且而  
之海上從鷗鳥遊鷗鳥至者數

百其父曰吾聞鷗從汝遊試取來吾從  
玩之曰諾明且之海上鷗鳥舞而不下  
是以聖人從微

至著

漢董仲舒傳莫不以  
以晦至明積微至者

不遺忠恕借借貸貸此門先

塞須防蒼蠅變白作黑

詩營營青蠅止于棘箋蠅之為  
蟲汙白使黑汙黑使白喻佞人

變亂善  
惡也

嗚呼孰慮孰圖

詩旻天疾威  
弗慮弗圖

昔在漢家倉令淳

于致令少女上訴無辜陷身至是不亦悲乎

史記太倉  
公者齊太

倉長臨舊人  
傳西之長安

也姓淳于氏名意文帝四年意以刑罪當  
其少女緹縈隨父西上書願入身為官婢

以贖父刑罪  
意此歲中亦除肉刑法

其  
敢告君子身可殺道不可渝

李義山文集箋註卷八